

陸軍部審定

戰

術

學

三卷

武學書局出版



戰術學卷三

目錄

第十七篇 戰鬪

第一章 總論

第一節 戰鬪之目的

第二節 戰鬪勝敗

第三節 戰鬪攻守

第四節 戰鬪一般之要領

第五節 持久戰

第二章 一般之戰鬪

第一節 攻擊

目錄



3 1764 2548 0

MH
E83
62

第一款 攻擊一般之要領

第二款 攻擊點之選定及攻擊時兵力之用法

第三款 遇戰

第四款 對於占領防禦陣地之敵之攻擊

第二節 防禦

第一款 防禦陣地

第二款 防禦配備

第三款 防禦之命令

第四款 防禦戰鬪

第三節 準備陣地

第四節 追擊之退却

第一款 追擊

第二款 退却

第五節 夜戰

第一款 攻擊

第二款 防禦

第三款 攻擊奏功後之動作及退却

第六節 戰鬪後之處置

第三章 局地戰

第一節 總論

第二節 高地戰

第一款 防禦

第二款 攻擊

第三節 谷地戰

第一款 防禦

第二款 攻擊

第四節 森林戰

第一款 防禦

第二款 攻擊

第五節 住民地戰

第一款 村落戰

第二款 農舍戰

第三款 街市戰

第六節 隘路戰

第一款 隘路後之攻守

第二款 隘路前之攻守

第三款 隘路內之攻守

第七節 山地戰

第一款 防禦

第二款 攻擊

第八節 河川戰

第一款 防禦

第二款 攻擊

第四章 支戰

目錄

第一節 總論

第二節 奇襲

第一款 襲擊

第二款 伏兵

第三節 後方連絡線之掩護及破壞

第一款 掩護

第二款 破壞

第四節 野戰工作之掩護

第五節 運送物之護送及畧奪

第一款 護送

第二款 畧奪

第六節 徵發隊

第七節 遊擊隊

第十八篇 偵察

第一章 總論

第一節 偵察之區分及目的

第二節 偵察者之動作

第三節 報告

第二章 敵狀偵察

第三章 陣地偵察

第一節 防禦陣地之偵察

第二節 攻擊陣地之偵察

目錄

目錄

第三節 陣地判斷

第四章 道路偵察

第五章 河川偵察

第六章 宿營地偵察

戰術學卷三

第十七篇 戰鬪

第一章 總論

第一節 戰鬪之目的

戰鬪一般之目的在乎壓服殲滅敵人如因達此目的彼我兩軍之全部或則大部而行戰鬪即爲本戰然每戰鬪未必盡皆如斯即在本戰之前後及其當時有因特別目的而生戰鬪焉如後衛前衛前哨之戰鬪或因搜索及掩護軍事動作（架橋築壘軍需品及俘虜之輸送徵發等）之戰鬪或因威脅擾亂敵人之牽制欺騙敵人之戰鬪等是也

任特別目的戰鬪之部隊無論自行挑戰與避戰又無論防禦與攻擊以達其特別目的爲主眼然苟有能達一般目的之機會則固當努力爲之

由是以觀戰鬪目的分爲兩種欲達一般目的之時爲決戰欲達特別目的之時爲持久戰

第二節 戰鬪勝敗

戰勝者以威力擊退敵人之謂也故依戰鬪之結果使敵兵整然退出戰場卽爲戰勝然使敵人潰亂至不得已而由戰場敗退則其效果愈大若求如此完全戰勝必行猛烈追擊使敵人全失其抵抗力最爲緊要

戰鬪之勝敗於軍隊之精粗志氣之振否指揮之巧拙土地之形狀天氣時刻之適否兵力之多寡及不能預期之事變等均有關係

彼我兵力之比例原於戰鬪結果大有影響故非決戰之方面兵力務必節約而以優勢兵力用於決勝點爲用兵上第一之原則

因地形而生戰勝之難易由天氣以致攻守之利害至戰鬪開始時刻之

遲速亦於勝敗大有影響然制敵而得勝者主在軍隊之精練與指揮之巧妙也自古名將常以精銳之兵擊破優勢之敵其例昭然於戰史

第三節 戰鬪攻守

當戰鬪之初攻守判然區別而於戰鬪經過期間守變爲攻攻變爲守兩者互相交換屢屢有之

攻擊之利如左

一志氣壯盛挫敵氣志由攻擊之疾速與出敵之不意占兵力之優勢其成果隨之益大

二動作之地域及時期可以自由選定而於我所企望之地點與所企望之時期以我所欲用之兵力實行攻擊或則欺騙敵人使其分割兵力或使於無用地點妄將兵力配備以陷敵於此等不利之境

三 收得決勝之成果

防禦之利如左

一 能利用地形加以工作而堅固之以發揚我武器之効力復得遮蔽敵火

二 因在靜止之故對於運動之攻者得增大射擊効力且易補充子彈

三 詳悉戰戰場地形

由是觀之攻擊之利屬於精神防禦之利屬於形式徵諸戰史壯盛之攻擊精神能使形式之利益歸於敗滅而得戰勝之榮光蓋攻擊精神者發於愛祖國愛同胞之熱誠本於殉身之大節而爲軍人精神之美粹戰鬪卽由此奏功焉要之欲得決勝之成果一在乎攻擊雖在防禦之時終必轉爲攻擊始能達其目的。

採用攻守雖關於一般之情況地形及任務而定然在攻守兩可之時必須選用攻擊是乃原則也。

第四節 戰鬪一般之要領

戰鬪常由前方之騎兵與敵接觸而起次則由負有特別任務之警戒部隊等（前衛側衛先遣支隊等）開其端緒此時當局之指揮官速行所要之配備防止敵之前進且詳細偵察敵情地形將必要之資料及時間以供高等指揮官嗣後之決心及處置同時對於敵人務必掩蔽我軍之動作該指揮官之尤應注意者在勿自求決戰然關於全般之重要地點則以勇敢之動作速行占領爲要

高級指揮官應令礮兵指揮官及所要之指揮官隨同前進苟於狀況所許務接近敵人慎占位置觀察彼我之狀況及地形其於警戒部隊等示

以動作之準繩對於敵人則謀獲己之利益如須開進之時則使本隊開進

開進地。開進地之位置影響於戰鬪之部署頗大故選擇開進地應顧慮嗣後之展開而選於一地或數地至開進地應備之性能如左

一、爲將來展開及行動計其前方及側方務須便於行動

二、須遮蔽敵眼

三、須在敵礮有效射距離外

四、須有適當之幅員

五、能由前方部隊安全掩護

開進之部隊以用密集隊形爲常但因地形及顧慮嗣後之前進而以行軍縱隊併列開進者有之

步兵及礮兵同時開進之時步兵務在路外行動而以道路讓於礮兵如行進難避交叉之時則應注意預防混亂

開進於一處之部隊其高級資深指揮官應爲開進設必要之警戒且須利用此時間豫行偵察多數進路務使能以廣正面隊形蔭蔽敵眼進出於前方及側方

高級指揮官須由諸情報及己之觀察以定關於戰鬪一般之決心卽如應如何而行政擊或行防禦或行持久戰是也定此決心須用周密之思慮迅速之決斷其能適當與否戰鬪之勝敗所由決也

凡關於戰鬪各指揮官之決心由任務敵情及地形之判斷而定然任務爲決心之基礎不可因地形不利敵情不明遂猶豫不決指揮官之決心必須堅確不移如狐疑不定則指揮自錯亂部下因之無所適從

高等指揮官關於戰鬪之決心既定即時本此以下命令而命令須簡明確切使直屬各指揮官了解已之意圖與彼我之狀況且使詳悉本隊及鄰接部隊在全般戰鬪範圍內之任務爲要

當。在。戰。場。之。下。命。令。 命令之下法其至便而確實者在使直屬指揮官或其受領命令者豫集於一地與各部隊以合同命令然由當時之狀況亦有應下以各別命令者或則先下簡單之命令使軍隊速至應到之位置再下詳細命令但在交戰或運動中之部隊招其指揮官而至遠隔之地點與以命令則無論何時均必避之

步兵一受命令攻擊敵人應即開始運動或占所要之位置或因待運動之時機先行集合於一地等均隨其任務而定要之須迅速實行

礮兵一受命令應即以射擊威力援助本軍在野戰重礮尤須破壞堅固

之掩護物或行遠距離之射擊使於戰鬪之進步受良好之影響而其陣地之適否指揮之良否於戰鬪之效果關係頗大故高級指揮官當行戰鬪部署時應按全局之情況本軍之目的指示自己之意志概定礮兵陣地使礮兵指揮官在其範圍內得以適當處理

騎兵一受命令應行搜索敵情不誤時機以呈遞報告且須掩護我側面務使步礮兵不用顧慮其側方及背後而得專心遂行戰鬪在騎兵部隊強大因圖有利於全般之戰鬪務必乘好機會威脅敵之側面
工兵一受命令即隨戰鬪部隊前進尤須援助礮兵進入陣地

當展開之時各指揮官應按任務、地形、兵力及敵情決定戰鬪正面及縱長區分欲令戰鬪之進步大有起色或遇意外之事變可以隨時應付則用後方豫備之兵力例如向所望之地點以求決戰於必要之地點以行

援助促戰線之前進防戰線之搖動等皆非善爲用此豫備隊不可

豫備隊。 預備隊常由步兵及工兵而成務避分割建制部隊

預備隊之位置關乎狀況及地形而定通常則置於預期決戰之戰線後方爲多當在戰鬪初期如須以預備隊置於戰線中央後則應注意嗣後移於側方之際使勿曝露於敵火敵眼

預備隊之隊形務便於掌握且適合於地形前進須容易然於減少敵火之損害亦不可不深爲顧慮

爾後戰鬪經過之進步全由各部隊之奮勇與協同動作故各級指揮官務勿恃他方之援助必須自求達其任務雖遇狀況變化決不可空待上官命令務各按其職責決行適於機宜之處置尤應思奏一局部之戰勝而振全般之勇氣若一局部遇有不利之戰況勿使波及於他地此則必

須身任其責者也

隨戰鬪之進步步兵應發揚射擊之威力而達於最高度終則實行衝鋒
礮兵應於步兵衝鋒之先集中火力於攻擊點機關槍則於瞬息之間顯
其至大之効力工兵則審察狀況開通部隊之進路騎兵則應於警戒本
軍外相機威脅敵之側背凡此諸兵種之協同動作均發揮其固有之性
能以收戰勝之効果

如戰況已操勝券各級指揮官須不失機宜準備追擊此時各級指揮官
務在前線爲要

已得戰勝之軍隊欲所奏攻効全無遺憾應猛烈果敢以行追擊使敵陷
於殲滅

退却易陷於敗走動輒不易收集故指揮官縱在戰況不利之時尙宜盡

諸種之手段以謀挽回戰勢此時步兵宜增大其火力或行衝鋒礮兵及機關槍宜向最害於我之敵人集中射擊騎兵宜向敵之側面猛行威脅凡此諸兵種如協力同心尙可獲得最後之勝利

戰。鬪。中。之。各。指。揮。官。 上級指揮官應使下級指揮官隨戰況之變化行適當之動作故須視狀況之變化及對此所行之處置常使其知悉而下級指揮官關於觀察之敵情地形及已之行動等凡有影響於戰鬪之一切事項必須迅速報告上級指揮官

報告不可虛張敵人聲勢沮喪自己志氣縱在瀕於危急之時須念其他部隊亦在同一之景况切勿妄請增援部隊

鄰接之部隊或向同一目的戰鬪之部隊其指揮官必須互相連絡惟不可因連絡致忘自己應行之任務

戰線之步兵指揮官應將敵兵之配置移動及我礮火對此之効力等適時通報於礮兵指揮官以使礮火之効力益得增大又關於爾後之處置如得通報於騎兵指揮官則於騎兵之達其任務甚爲便利至礮兵在危急之際其近傍之步兵常負救援之義務

戰鬪間各級指揮官之位置以便於觀察敵狀指揮部下其他關於鄰接部隊之易見命令通報報告之速達亦須顧慮指揮官如須更換其位置之時必須預籌傳達命令通報之方法俾得迅速送至新換之位置上。級。指。揮。官。躬。親。直。接。參。與。戰。鬪。動。作。惟限於重要之瞬間即臨決戰之期親率最後之預備隊驀進敵陣之時是也如此則大可振作部下之志氣指揮官之衆望愈高其効力亦愈偉大

爲便於傳命令通報及報告應盡各種手段準備傳達且定信號或設記

號等如能用電報電話及手旗通信尤爲便利

戰鬪間各級指揮官常宜注意利用地形使軍隊之運動與之適合然不可因此滅殺攻擊之精神遲緩戰鬪之動作逸出行動應遵之範圍

當實行戰鬪時如以不足之兵力逐次加入戰線則過莫大焉蓋常以寡敵衆不惟自行放棄先制之利且輕於嘗試徒招損害尤足挫折軍隊之志氣

工事。因補助地形而用器具在防禦時極爲緊要然由狀況變化其已築之工事不能利用則應毅然棄舍切勿躊躇至攻擊之時因開進路或因維持已占領之陣地而無地物之可依據等時亦可使用器具迅速工作且無論何時步兵勿恃工兵之補助須獨立而作必需之工事然工兵亦應指導步兵且須襄助一切

第五節 持久戰

持久戰之目的在避決戰而得時間之餘裕

有掩護任務之部隊在不得不行戰鬪之時通常則行持久戰又在正面之部隊因欲待他部隊之乘機以行包圍或迂迴亦行持久戰

持久戰務必支持敵人於遠距離外故此時如能多用礮兵殊爲有利

持久戰之部署軍隊由目的時間地形之不同大有差異若指揮官依此後之決心更擬區分軍隊時則控置於後方之兵力須多但無論何時第一線各部隊所展開之正面通常較其兵力應占之正面爲大

任持久戰之部隊因達其目的有時須佯行攻擊動作以欺敵人

第二章 一般之戰鬪

第一節 攻擊

第一款 攻擊一般之要領

攻擊爲制勝惟一之手段故除於情況不得已外常應決行攻擊

攻擊之要旨在以剛強不屈之意志專心向敵勇往前進而其攻擊部署以用優勢兵力於攻擊點爲第一原則然亦應將一部兵力以牽制敵線之他部使主力之攻擊易於進步

選定攻擊點必須判斷狀況及地形而選於敵陣地之弱點或在敵人最危險之方向爲佳

攻擊雖有正面攻擊側面攻擊包圍攻擊諸法而以包圍爲最有利

正面攻擊雖我軍退路安全要不得不向敵人最能制我之地點前進若敵之防禦已準備整齊則舉其正面火力以集注於我軍則非多供犧牲難收效果卽令我軍勝利而敵軍尙能退於該軍之背後連絡線亦不致

十分潰亂故非敵軍整備不完或敵軍側面過於堅固或我欲以此抑留敵軍等時則不用此法

側面攻擊係向敵人薄弱之側面行之其利可以迅速包圍敵人使其潰亂且得威脅敵之退路縱難全達其目的亦得使敵於側面行困難之展開不得已而新作正面然非乘其怠忽出其不意則亦不易成功若在大部隊尤難實行

按以上所述則兩種攻擊皆各有利害近來戰爭純用一種攻擊法者甚少通常以此二法併用方得利害相償此即包圍攻擊是也

包圍者係對於敵之正面與其一側面並行攻擊也如欲同時包圍其兩翼若非兵力甚占優勢則正面勢必薄弱遂有陷於危險之虞

施行包圍或用數縱隊之並進或用後方部隊之加入無論採用何法總

宜在展開以前準備之如由展開部隊之移動而行包圍惟限於地形上特別有利或可遮蔽敵眼時決不可行

包圍攻擊原屬高級指揮官戰術上兵力之運用法而直接戰鬪之部隊不論在何部分常宜向敵之正面施行攻擊

迂迴者爲威脅敵人退路之運動如以全力或主力行迂迴均不直接攻擊敵人而以威脅其退路使撤陣地爲目的此等迂迴非自信我兵力顯優於敵時或地形上我之退路毫無危險時不可施行如以一部行迂迴以威脅敵人退路使我主力攻擊容易爲目的此等迂迴有被敵各個擊破之危險故除山地戰及特別時機外不可施行

指揮官既定攻擊部署則下攻擊命令以指示各部隊之任務及展開區域運動開始之時期等又有時按其狀況先令軍隊展開而後指示前進

之時期

施行展開必須保其秩序連絡而各部隊尤宜各自設法警戒預防意外之事

騎兵及警戒部隊須在前方占領適當之地掩護步兵展開礮兵則按當時狀況射擊敵之礮兵使我步兵展開容易然對於敵人宜秘匿我之運動則待步兵攻擊前進時始開礮火

已展開之各部隊應偵察敵情及前方之地形以謀此後易於運動故有時須驅逐敵之警戒部隊然不可因此過早引起戰鬥以致防碍全部之展開

後方部隊須在便於使用且便於展開之位置而其應取之距離由狀況地形以變化至決勝之時機既近後方部隊須不顧損害接近戰線蓋以

戰鬪結局之時間極短而區處未用之軍隊全在此瞬間也在蔭蔽地則以迅速援助第一線爲最要故須縮短其縱長距離至後方部隊之隊形須選適合於地形又易於運動尤必集結然至曝露於敵之有效射擊下則宜取橫廣之隊形且疎開各部隊之間隔但此時指揮官所應注意者務須使部下不致逸出掌握之外

各部隊之攻擊前進既經開始礮兵卽須發揚火力制壓敵人使步兵之攻擊易於前進然遇敵人利用地形或已施設工事則礮火恒難奏效故步兵尤須於彼我礮戰之間勇敢前進不可徒然依賴礮兵

步兵酣戰之際礮兵雖受敵礮至大之損害亦應置諸不顧速將礮火集注於敵步兵尤須注重於企圖決戰之方面以逞其威力其敵人機關槍之位置亦宜搜尋而破壞之以援助步兵之攻擊此時我軍步兵既猛烈

前進則敵之軍隊自然發現乘此機會由我步礮協同射擊可使敵人萎靡

步兵豫備衝鋒時礮兵應於步兵衝入陣地之前而以猛火集中於衝鋒點此時礮兵若特派其一部使隨步兵進至最有效之距離甚有利益既至決勝之時機機關槍務必不顧危險進出前方猛射敵人以期於此瞬息之間收至大之效果

工兵之責任通常爲步兵開通進路除撤障礙物并堅固奪取之地區衝鋒之部隊應攜帶破壞器具及手擲炸彈等有時宜附屬以工兵若干惟用手擲炸彈時須利用炸裂之瞬間乘敵之不意衝入陣地蓋於手擲炸彈爆烈已過始行衝入陣地反足以挫折進攻之氣勢

衝鋒奏功之後既已奪取敵人陣地爲殲滅敵人計應即續行攻擊進至

可行追擊射擊之地點其未加入追擊射擊之部隊更宜迅速整頓隊伍嚴爲警備以防敵之恢復攻擊并須準備此後之追擊運動

礮兵及機關槍雖僅一部亦必迅速前進占領便於射擊之位置以行追擊射擊但此時應集多數之軍隊於一處或現極大之目標每於瞬息之間橫被敵陣他部之射擊（尤甚者爲敵之礮火）致受無數之損害此宜注意豫防者

衝鋒時如被敵擊退須促令所有密集部隊迅速前進再三果敢衝鋒縱無密集部隊亦應鼓勵士兵卒之勇氣進至極近之處行猛烈射擊俟稍恢復氣勢重行衝鋒如此奮勵百折不回必達其目的而後已

第二款 攻擊點之選定及攻擊時兵力之用法

用優勢兵力於決勝點爲用兵上第一原則故以有限之兵力欲得完全

勝利則必研究戰術戰略上之利害以決定我主力應向之地點此選定攻擊點之所以必要也

攻擊點選定之要旨如左

一、須能遮蔽敵眼敵彈施行展開且容易接近敵人蓋一則能整頓我之準備以期出於敵之不意一則能減少我軍之損害以期易於致勝

二、對於陣地之某部須能由各方向施行政擊且能縱射敵之陣地又能以衆多之兵力集注於攻擊方向故陣地之突出部及翼側皆爲自然之攻擊點

三、陣地之薄弱部（地形上或配備上）亦爲有利之攻擊點

四、陣地之要點乃關繫陣地存亡之處故爲我最希望之攻擊點

攻擊點選定後則以我軍主力向此實行本攻（主攻擊）欲使本攻容易而以兵力之一部攻擊敵之他部則爲助攻（輔攻擊）其助攻之所在務令敵人感受痛苦或竟誤認爲攻擊點以牽制多數敵兵而薄其對我主力助之兵力始爲達到目的故攻効兵力及編組并指揮官之選擇等均宜慎重其一切戰鬪動作除不得迅速與敵接近外悉與本攻無異若欲以陽攻達其目的則非地形十分有利不易見効又助攻開始時機大抵在本攻開始之前至遲亦須與之同時

若在希望決戰之攻擊向敵之陣地平均配置兵力則不免誤謬故通常以全步兵四分之一（最大限）任助攻以二分之一任本攻其餘四分之一（最小限）爲總豫備隊但此乃示一般之標準

戰鬪貴占先制之利而於遇戰則尤爲重要是以指揮官必以果斷之決心速行部署其軍隊如待詳密偵察地形或待各種報告始行處置則未有不失敗者故指揮官務在前方憑其自己之觀察及已得之報告判斷一般狀況而確定其意見速行指示於前衛司令官及部下諸隊長等以動作之準繩且須規定一切以使本隊各部速到戰場

各級指揮官獨斷專行之必要莫甚於遇戰故宜盡各種手段以期適合上級指揮官之意圖不得稍有拘泥致滋貽誤

前衛司令官須遵指揮官之指示或憑一己之獨斷顧慮敵狀及全隊展開之狀態部署前衛務使適合於時機而完全盡其任務如有要地可爲戰鬪之支撐點者務速占領此時縱或引起戰鬪或有正面過廣之患亦不可稍事躊躇且不惟前衛司令官宜然卽前衛中各指揮官之動作亦

應準此要領而行

前衛礮兵之迅速進入陣地機關槍之適當使用則前衛容易達其任務前衛如遇優勢之敵部隊向我衝突或已占領有利地點前進反形不利或已至隘路前方須掩護本隊之通過隘路時則宜取守勢反此則取攻勢爲適當

前衛獨力攻擊之時機如左

一、敵之部隊微弱或居不利之境我如迅速動作必得勝利時

二、前衛在隘路前或在隘路中與敵突遇如迅速動作可使本隊之通

過隘路臻於安全時

三、確認敵兵退却時

四、欲先敵人畧取重要地點之時

前衛司令官雖於狀況不甚明瞭如能動作迅速決心果斷使敵人逡巡躊躇即占勝利之第一着至前衛司令官應取勇敢之處置或取慎重之態度則在通曉戰理富有經驗一面利用軍隊之攻擊精神一面控置必要之軍隊勿背上級指揮官之意圖而適當維持之斯爲最善

戰鬪開始以前在前方之騎兵須拒止敵之搜索隊及警戒隊其尤妙者莫如擊退之以阻其前進或於時機之先使其過早展開指揮陷於困難或襲擊急進之敵礮兵等故能團結兵力由側方運動時則多良好結果然對敵之正面及兩側必須嚴密搜索縱遇優勢騎兵無隙可乘亦宜使敵不得任意恣肆並須掩護我軍側方

前衛步兵應掩護前衛礮兵且須占領有利於攻擊之地點故其兵力配備應隨狀況之所宜一時展開其大部亦所不辭而其兵力所取之正面

有時可以比較稍爲擴大

前衛礮兵之使用雖由前衛之目的及敵情而異如前衛獨力攻擊或防敵人來攻又或發見有利之目標則最先即可開始射擊如前衛不須戰鬪則礮兵陣地務宜遮蔽敵眼待本隊礮兵到著後方可開始射擊無論屬於何種其運動及試射必能神速乃可使敵人戰勢爲之頓挫故進入陣地準備射擊尤不宜緩若因選地形上有利之陣地而進入多費時間常不合於遭遇戰之宗旨又過優勢敵礮亦宜避戰以待本隊礮兵放列時協力射擊或全行占領遮蔽陣地

前衛工兵或爲堅守支撐要地而設工程或爲礮兵易於進出而修道路他如能知高級指揮官之意旨則尙須準備本隊礮兵陣地及進路指揮官必須使本隊先於敵人展開故用各別命令使各部隊由行軍縱

隊卽行展開然爲統一全隊參與戰鬪則必更下所要之命令
因行展開由行軍縱隊分進之各部隊均須各設所要之警戒並應漸次
縮短縱長以便展開如距敵不遠或地形便利則最先卽可展開前進
指揮官固宜努力統一全隊指揮戰鬪庶使一切動作均可整齊然欲不
失時機確保前衛已得之利益或擬增大其利益則令繼續到著之本隊
各部逐次加入戰鬪亦可

任攻擊之步兵應於最初卽以衆多之兵力展開於戰鬪正面以優勢火
力壓倒敵人使敵遂不得不陷於防勢本隊礮兵務必迅速進入陣地統
一戰鬪騎兵則掩護我側面威脅敵側面以援助步兵之攻擊至於應行
襲擊與否關於敵之動搖及地形之如何而定

若非顯占射擊之優勢而過早施行衝鋒固非所宜然苟有可乘機會應

卽時利用故指揮官務使預備隊接近第一線

敵軍部隊若先我展開則宜與敵適當隔離以整頓戰鬪準備預防敵之包圍且免與優勢之敵始終對戰故非至兵力十分展開慎勿眞行戰鬪是以前衛以能掩護本隊展開爲度施行動作騎兵尤須嚴密警戒礮兵非至步兵開始攻擊前進不可實行礮戰然對於妨碍我步兵展開之敵人務必設法制壓

第四款 對於占領防禦陣地之敵之攻擊

攻者對於占領陣地防禦之敵人通常有從容之時間得以偵察敵情及地形選定攻擊之時期方向及方法故指揮官須先定詳密之計畫並須完全準備故指揮官先下命令以使軍隊開進此時前衛勿引起戰鬪然於敵之移轉攻勢則必竭力抵抗蓋富於機動之防者常待攻者先頭現

出乘機轉爲攻勢也

敵人陣地之價值於攻擊計畫大有影響故除自騎兵及前衛報告之外指揮官應自設各種方法施行偵察以洞悉敵人陣地之狀態如遇堅固之陣地必須偵察築壘之種類堅固之程度配置之情形彼我中間之地形等藉資計畫然後以統一之指揮開始攻擊

決定攻擊計畫之後指揮官應下所要之命令使軍隊赴準。備。攻。擊。之。位。置。而選此位置務必接近敵人然須遮蔽敵火敵眼並避不豫期之戰鬪此時務將展開區域攻擊目標分晰指示於各部隊而各部隊則各自警戒到其位置而任第一線之各營其應團集或應展開由當時狀況而定又各部隊如因利用地形可不齊頭位置其礮兵務利用遮蔽迅速進入陣地俾得同時猛烈射擊

使各部隊就準備攻擊之位置其命令之要項如左

- 一、彼我一般之情況
- 二、我之目的
- 三、關於第一線部隊事件（各部隊之展開區域及攻擊目標）
- 四、關於礮兵事件（陣地及射擊方面）
- 五、關於騎兵事件
- 六、關於工兵事件
- 七、關於預備隊事件（任命之部隊及其位置）
- 八、關於衛生隊事件
- 九、關於輜重事件（野戰醫院及彈藥縱列之位置）
- 十、指揮官之位置（有時應示受領命令及送達報告之地點）

占領準備攻擊位置之後礮兵之射擊開始及步兵之攻擊前進均由指揮官命令之此項命令或傳於豫行招集之受領命令者或由記號電話以命之或與展開命令同時明示開始攻擊之時間皆因當時狀況而定攻擊之戰鬪經過貴乎神速然決不可失之急遽故指揮官常宜注意戰況善爲指導而各級指揮官亦須互相協力整齊敏捷以促戰鬪之進步礮兵通常應向敵礮兵射擊務使步兵容易前進且須詳審敵情若敵之礮兵狀況不明時先使數連射擊令敵之兵力及陣地容易發現

步兵不俟礮火奏効須以勇壯之氣投入爆烟毅然前進是以步兵最初無庸開始射擊祇須選擇隊形敏捷運動以減敵火之損害既至接近敵人始構成熾烈之火線

步兵既開始攻擊預備隊則取稍大之距離而跟隨之爾後接戰鬪經過

情形應乎必要加入於最前線之增大火力勵行前進

第一線既達於準備衝鋒之位置步礮兵及機關槍均發揚其最大之火力集注於攻擊點步兵則乘機以行衝鋒

騎兵則向敵之兩側行動但其主力必視乎地形與我之攻擊方向及敵之退路豫先集合於今後使用上最便利之翼側而其動作不可僅限於側面之警戒及搜索常須利用機會對於敵之側面行有效之動作

工兵則開設交通路或分屬於第一線從事障礙物之破壞

若礮火驟難奏効力且於晝間無須力攻之時則每以利用黑夜接近敵人爲利當此之時礮兵通常於晝間進至射擊界外夜間再進入準備陣地待至拂曉開始射擊攻擊

最堅固之陣地（盡各種手段以行設備之陣地）尤宜完全偵察精細準

備此等陣地常難一舉攻陷自須逐次構成攻擊陣地逼近敵人然不可因此徒費時日以使敵之防禦日益堅固此種攻擊之法先以礮兵及重礮兵發揚集團之効力次以工兵整然協助步兵前進

若於晝間不得不行攻擊時須依礮兵之協力逐次構成攻擊陣地逼近敵人以達準備衝鋒之位置若過早開始射擊對於依托工事之敵不過浪費彈藥故攻者前進時主在顧慮減少損傷取疏散之隊形利用所在之地區地物漸次前進以至能占優勢火力之位置而待衝鋒之好機

晝間攻擊之礮兵通常占領遮蔽陣地然建築堡壘通信連絡等亦須完全設備并於陣地內多備彈藥俟至攻擊開始則首先制壓防者之礮兵然後向敵最要之處集中猛烈之火力務更須以一部制壓其礮兵若於敵未占領火線之時或對於僅少之守兵妄行射擊反爲不利故宜於敵

已占領火線或其軍隊業已露出之時方能收最大之效果當此之時步兵之前進與礮火之掩護尤須互相一致

晝間準備完結利用暗夜逼近敵人實施攻擊之時較諸晝間前進雖有遷延時日之不利然可減少損害故對於堅固之陣地不得不用此法

按照夜間之近接運動法（參照夜戰）構成準備衝鋒陣地之後更須詳細偵察敵之陣地以擴張我礮火之破壞幅面或則另行除去其障礙物以開衝鋒之道路故須選勇敢之步（工）兵任爲偵探潛行偵察最爲妥當但敵之障礙物一時被我破壞尙可立即修理故此障礙物爲彼我之爭點此時攻者之偵探更須在衝鋒陣地前方構成據點時時窺其可乘之隙以達破壞之目的且爲側射攻擊點每以礮車數門進出於最前線爲必要

衝鋒以向敵壘各部同時施行爲有利故常用記號或電話等以示其開始之時機然如此辦法往往因戰況有遲速其時機者故遇比鄰部隊衝鋒之時則各部隊務與之協同衝入不得延緩

攻擊堅固陣地其進步甚屬緩慢往往須多費時日縱令其計畫周到實行適當而戰鬪之經過達於悲慘之極致生心理之弱點者往往有之故吾人欲除此等困厄以收戰勝之效果則無論晝夜及所取之手段如何必以斷然之決心勵行前進齊揮刺刀與敵血肉相見發揚勇敢之精神否則難期成功此宜深銘肝腑者也

第二節 防禦

戰勝之法全在攻擊若一意防禦卽爲自取滅亡之道故其防禦大抵分爲兩種其有決戰之目的而其兵力不及敵人暫時利用地形以補兵力

之不足而謀攻勢轉移者謂之攻勢防禦又在避行決戰僅欲拒敵於遠距離之外以達其遷延時間之目的而行持久戰者謂之守勢防禦故防禦目的之不同其選定陣地配備兵力及戰鬪之指導亦因之而異

第一款 防禦陣地

凡防禦戰鬪欲其地形備有理想上諸利益者甚不易得蓋陣地通常爲任務情況兵力所拘束選擇地形難存十分餘地或且全無餘地不能隨意任用

故指揮官務必利用現在之地形而以戰術上敏活之眼光判斷其利害得失以配備兵力工作計畫及軍隊動作之熟練補其缺點

選定陣地之法須適合守者之目的並可以完全發揚兵器之効力尤須顧慮礮兵之用法其他陣地幅員宜與兵力適合而關於一般應顧慮之

要項如左

前地。射界廣闊遠大又無掩蔽物且成緩傾斜向前方降下者爲善而其地形如能阻碍敵之運動自可增加堅固之度然守者出擊亦屬困難側地。兩側地方須通過困難或甚開豁得以射擊遠制敵人而警戒亦極容易

正面及側面。陣地之正面及側面須便於通視及應援且距步兵線後方適當之處須有良好之礮兵陣地若其目的僅在防止敵人則於陣地之正面及側面有不能超過之障碍物極爲有利若守者如擬行決戰或擬待防禦之效果欲行出擊時則其一部須得通過自在故希望攻勢之防禦陣地通常按其地形將陣地分爲攻勢地區與防勢地區

陣地之正面愈堅固則敵愈向側翼攻擊此時守者須於翼後設備梯隊

或向敵之側面轉爲攻擊或於被敵威脅之翼延伸增加或作鈎形防敵迂迴然如欲由正面出擊更必須顧慮後方連絡線

陣地側面如有堅固之支撐點則我之翼側有依托之利然地形若不能十分展望往往易招危險故與其有依托地物尙不如側面前之地形展望自在能以火力制止敵人可免側面攻擊及包圍攻擊之患

內部。陣地內部必須便於軍隊之展開及配置運動且須有遮蔽物以防敵之通視其恐受攻者包圍射擊及瞰制射擊之地點或應戰況須使後方部隊接近火線之地點尤然

陣地如不甚深或背後有險坡等或陣地內有森林等則甚限制軍隊之運動故如預備隊（礮兵在待機之地位亦同）之大部隊務須運動自在無論向何方面進出皆屬容易且對於敵人得有遮蔽之利

後地。陣地後方地形狹小且不便通過時則軍隊之退却甚難若後方平坦且有疎林則退却之軍隊可免敵之有效射擊且易與敵離脫退路。退路務與正面成直角若偏於易受攻擊之翼側則甚屬危險故此時必賴占領堅固之收容陣地最爲緊要

陣地若橫斷敵之前進路則使敵不得不行攻擊若在敵之前進二路之間則易受其包圍攻擊若在道路之一側則於敵之包圍攻擊往往得以防止如此陣地特稱之爲側面陣地

側面陣地一般之目的在使攻者不得不向側面展開且當一經失敗又不得不變換其退路敵如不顧我陣地而欲通過時則守者即可向其側面轉爲攻擊故側面陣地應具特別之性能如左

一、陣地守兵須能以直交有效火線射擊敵之前進路

- 二、與敵接近之側面須有不能跋涉之障礙物以作掩護或有堅固之支撐點使攻者不得以正面攻陷我之側面並不得威脅我之退路
- 三、出擊容易且出擊時步兵得我軍礮兵之協助
- 四、我軍退路安全續到之部隊容易進入

凡側面陣地其退路之變換在攻守兩方均所難避如守者所占之地形特別相宜能使攻者不得不在有效射擊界內以行側面展開最足爲攻者之害若攻者用拂曉攻擊法展開於黎明之前則守者之利惟於已準備之正面得以繼續戰鬪而已故占領側面陣地者大概有決戰目的而必須斷然見機轉移攻勢不可躊躇然在小部隊每以一時持久之目的占領側面陣地者有之例如掩護進出隘路之軍隊是也

因欲遲滯敵之前進須停止於陣地暫時行抵抗者常有之當此時機可

選堅固陣地使敵躊躇不能直行政攻擊最爲適當若第欲敵之通過我陣地前不使轉進他方向須確實占領陣地前方障碍物之通過點以便出擊時之利用

良好陣地與堅固陣地不同良好陣地者能適於達我戰鬪目的之陣地也堅固陣地者祇能防止敵人之陣地也守者有決戰目的之時若占領堅固陣地極爲不利蓋攻者欲陷此陣地犧牲必多故不直接攻擊而通過其陣地前示以轉進他方之形勢將守者誘出或直逼守者之後方連絡線使其不得已而撤去陣地

守者之退却線若與陣地正面斜交且敵至此線守者又因陣地前有障碍物難以出擊時則敵欲逼我退却線運動甚爲容易蓋攻者通過陣地前守者難轉攻勢而其側面無衝突之患也

第二款 防禦配備

將行占領陣地通常以一部隊派於前方使行掩護如已接近敵人則宜派少數之步兵部隊使行一時之抵抗否則僅令騎兵搜索敵情或更遲滯敵之前進已足達其目的

掩護隊應於適當之時機以行退却惟注意勿妨碍我本陣地部隊之射擊

防禦陣地須視目的地形與指揮之便否分爲若干地區在各地區配置適應之建制部隊爲守備隊而每地區則自設預備隊至地區之數及應配置之兵力須視狀況決定之例如企圖攻擊之方面或射界不良之地區則其兵力宜大陣地內之交通困難之時則地區之數宜增

陣地之各部不能盡合理想之價值故必配備適當之兵力及良好之工

事以補其不足

步兵之戰鬪線通常設於礮兵陣地之前方而所選之陣地對於敵之步兵須可發揚我步礮兵之火力的同時又可掩護我礮兵而其距離雖因地形而有差異然在平坦之地約以五百密達爲適當

占領陣地苟有時間必須施行堅固之防禦工事此工事通常由每地區內之守備隊行之使合於一般之目的而統一之者則高級指揮官之任也

倘欲敵無安全地域高級指揮官宜按地區分配前地爲數地區而各地區前如有死角即使比鄰地區互相側防

陣地工事縱不甚緊要之方面亦不可全然忽略然若狀況變化其已築設之工事不能適用亦應即放棄而勿躊躇

防禦工事不可以逐次抵抗之目的設置數線務須盡力設一陣地使其最堅固爲要又一陣地中不可作成連續火綫宜分爲數羣各地區之兵力如大通常則使每營集團爲宜而各集團工事之間隔及其前地須得由比鄰集團行有效之射擊或於此處用機關槍最爲便利

工兵不惟任工事之指導及援助而已並須築設陣地中各重要之部分陣地務對於敵人永久蔭匿而防禦工事則尤然故除施行諸種之手段外並須由各地區派遣偵探於前地或則配置監視部隊以防敵之搜索欲使敵誤認我兵力及配備有時須設僞工事

過早配置守兵於陣地不惟對於敵人曝露陣地而欲應乎敵情變更配備遂不免爲工事所限制若配置過遲則敵不受損害而得近我陣地亦屬不利而其適當之時機全陣地不能一致故於良好之機會配置守兵

爲各地區指揮官之責任

各地區之預備隊須可以適時應援第一線故宜利用地形接近前方或設掩溝或設交通溝

礮兵及機關槍對於預想敵之攻擊方向須能發揚完全之射擊効力並在轉移攻勢之際可猛射其地帶尤緊要者礮兵務在敵礮兵未放列以前占領陣地能射擊遠方之前進路且宜努力應用地形俾我步兵受其直接掩護而其射擊之開始多由指揮官命令之又守者第一次之礮擊足以令攻者解決狀況且明我陣地之所在故非對極有價值之目標則不可開始射擊

騎兵多在側面動作其未用於側面者應在總預備隊之位置要之騎兵無論在何地位皆以搜索爲己任至必要之時則參與戰鬪

總預備隊之位置如在攻勢防禦則宜選容易進攻之地故多置於翼側後然在守勢防禦則宜選便於收容或赴援之地故多置於中央後然爲防敵包圍亦有設於側翼後者（參照第一篇第七章）

各部隊間之交通連絡宜架設電話配置傳達設備交通路在攻勢防禦時尤爲重要

各級指揮官必須將自己方面之狀況適時報告高級指揮官使不失好機會決行攻勢轉移

凡陣地之選定工事之築設交通網之設備軍隊之配置果能適當則守備所需之兵力愈能節約而於轉移攻勢所用之總預備隊益得強大即可爲確實勝利之基礎

前進部隊。欲遲滯敵之前進或則欺騙敵人使其展開過早而派一部

隊於本陣地之前方令其占領地點謂之前進部隊（昔稱爲前進哨）前進部隊既達目的應速退於本陣地而其地點距本陣地愈遠則愈受優勢敵步礮兵之包圍射擊蓋攻者對於守者之本陣地所受之損害輕集中其優勢火力以陷落此陣地也前進部隊之弊害如左

一、距本陣遠不免有各個擊破之虞

二、因欲退至預奉指示之地點（多在翼側）或因避開我正面以致撤退陣地過早者遂難達其任務

三、因完全達其目的以致退却過遲往往陷於全滅

四、遇敏活之敵人則尾追退却之部隊遂侵入本陣地

五、前進部隊危險之際如由本陣地增援遂於本陣地之前方惹起意外之戰鬪尤足陷我軍於不利

六、前進部隊之退却多沮喪本陣地軍隊之志氣

由是言之前進部隊之應設與否及兵力大小退却應在何時應用何法皆按其目的及地形豫先決定庶可免此等弊害

第三款 防禦之命令

總指揮官須與礮兵工兵司令官同往偵察陣地然後下防禦命令而此命令通常用合同命令爲原則亦有時用各別命令者
合同命令應載之要項如左

一、彼我一般之情況

二、我軍之目的

三、關於礮兵事件（陣地目標）

四、指定各部隊應守備之地區（或配備之時刻）

- 五、關於騎兵事件（位置之方面及地點或關於最初搜索事件）
- 六、關於總豫備隊事件（任此之部隊及其位置）
- 七、特別之處置（工事監視方法彈藥補充等）
- 八、關於衛生隊事件
- 九、關於大行李事件
- 十、關於輜重事件
- 十一、指揮官之位置

第四款 防禦戰鬪

防禦之時稍或不慎則全陷於被動之守勢失我動作之自由故苟得時機必須決然轉爲攻勢

凡在防禦必須迅速察知敵情而於敵之企圖則尤宜明瞭當戰鬪之初

前方騎兵。須盡各種手段搜索敵情而阻碍其運動如遇優勢之敵兵不能駐於陣地之前通常退於我陣地之翼側以任側面之警戒若在不得已之狀況則退於總豫備之位置者亦有之

礮兵。通常先對敵之礮兵開始射擊至敵之步兵既攻擊前進則應不顧敵之礮兵火而射擊其步兵

敵已展開之步兵漸次逼迫陣地則地區之戰鬪不能一致因而發生種種狀況甚至某地點因戰鬪之愈形激烈陷於危險之形勢者往往有之此時守者須沈機觀變決不可因以眩惑且當攻者未舉全力決戰之前務須節約兵力以待時機成熟即斷然使用全力是爲防禦戰制勝唯一之手段不可不深銘於心者

欲行決戰之防禦必須兼行攻擊然擇定轉移攻勢適當之時機甚屬困

難凡遇左述之時機或見敵之過失則高級指揮官應卽用其總豫備隊轉爲攻擊又或同時命其陣地中守兵之全部或一部以前進攻擊以便攻擊部隊容易前進此時陣地所殘之守兵應發揚射擊之効力而達於最高度以使其正面之敵人不遑他顧

茲舉其轉移攻勢概要之時機如左

一、攻者已將其兵力展開於第一線守者得以總預備隊乘此機會衝其側面時

二、攻者因守者之射擊其攻擊爲之頓挫時

三、攻者過於分割其兵力或以主力行迂迴運動守者得以乘好機會將其各個擊破時

四、防者得增援隊後兵力優勢時

凡轉移攻勢須出敵之意外迫敵之側面動作且須迅速猛烈是其要訣也然在戰鬪經過中如無機會之可乘敵兵已至最近距離時則必用其所有之火器使敵震駭再舉全線衝出勇敢逆襲此時礮兵及機關槍縱使全行曝露亦所不顧應速至最便之位置而以猛烈之射擊集中於決勝方面

第三節 準備陣地

準備陣地者於決心攻擊或防禦之後而敵軍行動尙不能豫決則其兵力應用之方面及地點亦難遽定時所選用者也其配置法常以軍隊之主力集結於可應各種情況之位置或以其一部監視主要之道路或隘路及渡河點並須預先施設必要之工事

敵人情狀多不能適時明瞭完全故指揮官應按一般之狀況及我之任

務決行運動斷不得妄占準備陣地致先爲敵人所制故準備陣地實於狀況全然不明萬不得已之時始占領之故在此姿勢之軍隊雖一兵一騎不可離指揮官之掌握一經察知敵人情況卽照所有計畫舉全力以斷行其決心

騎兵應廣爲搜索敵情迅速報告敵之兵力及其行進方向故此時如選富於判斷力之軍官派遣於適當地點則關於敵人緊要事件可得迅速偵知如用氣球或飛機則尤爲有利

第四節 追擊及退却

第一款 追擊

戰勝之後大抵爲狀態所眩惑幸過去之成功而忘果敢之追擊卒至功虧一簣者居多故各級指揮官當敵兵敗退應卽猛烈窮追以殲滅敵軍

而收完全戰勝之效果

敵兵退却之前往往特以一部隊向我逆襲以便乘機離脫戰場在夜間或濃霧之際尤然當此之時須勿爲其逆襲所牽制而失追擊之機會突入敵陣地之各部隊應行追擊射擊至敵兵將離我有効射界立即開始運動猛烈追擊步兵務取廣正面成數縱隊前進對於停止之敵人即行包圍礮兵宜急行進擊妨碍敵之集合與整頓騎兵宜盡馬力奮勇急進威迫敵側或先斷其退路使變換其退却方向或使其運動躊躇以便我後方之步礮各兵得以追及當此之時騎兵若能機敏動作尤於追擊大有利益

當追擊中指揮官須於適當之時機選擇容易集結便於進出之部隊迅速編成追擊隊以任追擊而以已在追擊之各部隊整頓秩序更行前進

戰鬪後勝者之疲勞固與敗者相同然能猛烈追擊則敗者之身體精神則益困憊敗衄之感動愈甚抵抗之氣力全失如非最精銳之軍隊則軍紀廢弛遂至退却變爲潰走其俘虜及各種材料均爲勝者所得矣但勝者不可徒貪物品務必一意續行追擊以全最後之勝利此時各級指揮官對於部下雖要求過劇之動作亦不可避縱在夜間如敵未受收容亦宜續行追擊

現今火器之進步顯使追擊困難蓋敵以後衛或其他軍隊之一部占據有利之陣地屢能阻止我追擊兵之前進且與我以多大之損害或藉此使行迂路或使於攻擊準備多費時間也然追擊隊宜不顧損害以最勇敢迅速之動作急追敵人冀得前項之利益

若因情況不能編成追擊隊以行追擊亦當與敵維持接觸不得失其所

在

第二款 退却

戰鬪經過不利之時其應否以決戰挽回或竟斷念戰鬪爲指揮官者必於適當之時機決定之而其展開於戰線之兵力愈少則退却愈較容易若步兵大部已在交戰之中或預備隊均已用盡後方全無控置部隊則退却愈形困難且最危險此時惟有持續戰鬪待至日暮利用暗夜退却爲宜

指揮退却戰鬪之要領在乎速與敵人脫離改歸行軍縱隊故此時高級指揮官務必速定處置使其軍隊成數縱隊併進且須明確指示目標並擔任收容之部隊及收容陣地俟各部隊實行退却乃退出戰場先至適宜之地以待退却之軍隊至該軍得收容隊之掩護改歸行軍縱隊卽置

後衛向預定地點行進（後衛多以收容隊充之）至於行李輜重應令先行或別用道路以免阻礙退路其他各下級指揮官奉退却命令亦須各派所屬軍隊自行收容前線以便迅速與敵人脫離

成數縱隊時各縱隊指揮官亦須決定最初之退却部署至確認為實行退却之後通常先離戰鬥地再準備爾後之動作

凡欲脫離戰場須以被敵攻擊最激烈之處持久抵抗而以其他部隊則乘機退却是爲退却之原則又有時因欲秘密我意圖以一部隊行猛烈果敢之襲擊利用此機全部退却其礮兵及機關槍於未奉退却命令之前應不願損害停在陣地射擊敵之步兵以便我步兵之退却運動騎兵則在側方動作對於向我側背之敵妨害其行動並須襲擊急追之敵兵使我軍隊有從容退却之餘地

收容部隊務用精銳之兵（特附以礮兵及機關槍）故平常多用豫備隊如已無預備隊時則以戰線中最易與敵脫離之部隊亦可

選定收容陣地必須顧慮一般之狀況使退却之軍隊在其掩護之下得以集合并易出發爲要

戰線之各部隊視當時之狀況以後方所屬之兵力收容前線已於前述而其陣地務選於退路之側方並宜近於戰線以便使用我火力妨敵急迫而令前線不致陷於潰亂

退却實行之後即須毫無停滯至何時始撤收容陣地或更須收容陣地以便原有收容部隊之撤退或何時可以後衛之掩護轉爲行軍縱隊此皆關乎狀況敵情地形而定但退却之大部軍隊不得援助收容部隊妄向敵人抵抗以致陷於危險

軍隊如無後方部隊或已爲敵人急追之時則步兵惟有以當時之隊形與正面成直角向後退却此時指揮官應設法使退却軍隊逐漸至一定之方向若欲集合及抵抗非恃他隊掩護與敵脫離後則不可實行但暗夜之際爲退却部隊集合之機會

第五節 夜戰

夜間兵力及企圖容易秘密且得避敵之損害而接近之然諸種地物其價值迥異乎晝間既難通視尤不便於運動故易迷失行進方向而軍隊之協同動作及指揮統一至爲困難稍有不慎則生錯誤隊伍易致紊亂其尤甚者易發生與友軍衝突之危險是以從來夜戰僅爲與敵對峙行陣地戰鬪時或急襲敵之前哨及其宿營地概以小部隊行之而已然現今雖在大部隊亦利用夜間接近敵人又對於堅固陣地利用暗夜其攻

擊進步微特此也當敵我對峙時小部隊之利用暗夜急襲敵人殆爲每夜之常態是乃火器及築城術之進步而戰術亦因之變遷也

夜戰之前指揮官應盡各種手段精細計畫豫於晝夜集各部隊長發下命令使之準備一切其命令特宜明示者爲各部隊之行進目標行進路連絡法識別法到着地點等又其事後第一處置以預先指明爲利者有之

攻守兩勢之選擇無異乎晝間惟此戰鬪之成功不在火力之優勢而在有統一之指揮及鞏固之攻擊精神與旺盛之士氣

夜間用火戰惟防禦時爲多若攻擊時欲牽制敵兵亦間用之

第一款 攻擊

對於堅固陣地利用暗夜攻擊收効較易此時軍隊一致預定之位置即

速構成陣地若地質堅固掘開困難或不欲以掘開音響使敵察覺則用土囊爲宜惟一面工作一面必須準備戰鬪俾能即時可應敵至於警戒則僅派偵探即可務勿配置掩護部隊

礮兵及野戰重礮兵晝間進至敵之射界外入夜之後始就準備完全之陣地於拂曉時開始攻擊惟攻擊運動中對於敵之礮兵及防禦工事須自晝間卽行射擊有時夜間亦須續繼而一切射擊之準備應於晝間設齊其步兵占領最後攻擊陣地之前應令礮兵利用暗夜適宜前進占領陣地以爲步兵援助

工兵應與步兵協同除去障碍物且須妨害敵之修理工作自最後之攻擊陣地行衝鋒時通常以突入敵之陣地將行追擊適在天明爲宜因追擊之時可使騎兵礮兵完全發揮其特性至若敵情明悉卽

於夜間衝鋒亦可

夜襲爲步兵之專責其奏功之要訣在乎出其不意因薄迫接齊揮刺刀一舉而決勝負蓋夜間不惟不能發揚火力反足以曝露我之意圖且遲滯我之行進也

夜襲之部署須以決戰所需之兵力最初悉用於第一線并須使各部隊極力團結其預備隊宜與第一線接近但不可過早投於戰鬪激烈之地夜間衝鋒須至最近距離方可開始各級指揮官務必掌握部下猛烈衝破敵陣至衝鋒奏功後則各部隊應即恢復秩序嚴行警備以防敵之恢復攻擊並迅速追擊敵人

第二款 防禦

夜間防禦較晝間更形困難故防者須盡各種手段（例如派警戒兵於

防禦線之前方或用電燈探照前地等）以防敵之接近而陣地之守兵對於敵之攻擊方向并須預行射擊之準備凡得縱射擊敵人行進路之地點當配置機關槍若探知敵兵近逼我陣地施行工事則派小部隊出擊以妨害之

夜間若遇敵襲如臨時部署軍隊易陷於混雜轉多危險不如用原有之守兵速就火線而使後方部隊接近配備增援前線

夜間防禦於比鄰部隊之協力及後方部隊之援助均較晝間爲難恃故各部隊應以勇敢果斷固守其位置俟敵至最近距離卽行猛烈射擊俟敵愈近投以炸彈并利用此瞬息之間齊揮刺刀施行逆襲

第三款 攻擊奏功後之動作及退却

夜間攻擊奏功後之紊亂較晝間爲尤甚故各部隊須迅速恢復秩序卽

時嚴行警備並速招致後方部隊以防敵之逆襲

夜間之追擊甚爲困難而用大部隊則尤難

守者縱遇戰鬪不利亦不可遽離陣地蓋夜間倉卒退却易陷軍隊於潰亂也故被擊退之部隊應即時在其後方整頓隊伍而未被擊退之部隊依然據守其地以待攻者之乘勝前進逆襲其側面或背後且此後守者之處置無論其目的在乎逆襲或欲秩序整然而退却務設法遷延時刻以待拂曉時確知敵之位置兵力後始可實行

第六節 戰鬪後之處置

戰鬪之後必須整頓軍隊之秩序恢復戰鬪力以備再事戰鬪故其事務頗爲繁雜但此等處置不必俟至戰鬪結局卽戰鬪中一時與敵中止觸接而得處置之機會亦須整理之舉其概要如左

一、錯雜混亂之各兵應按其所屬部隊各集合於一定之地點速令復歸各部隊長管轄有時各連內排（班）之人數其尚須平均改編又其兵數非常減少之連營可暫行合併以便指揮但注意於內務之管理及戰後之調查不得因此而生窒礙

二、各部隊應將尚能戰鬥人員及病傷人數報告於所屬上官又須調查戰死受傷及生死不明者記入戰時名簿及死傷表

三、調查消費彈藥並損壞或遺失之武器記入損耗表其損傷之武器被服裝具務速交換或修理之而彈藥糧食則自縱列補充之車輛馬匹等則自徵發或戰利品或後方輸送補充之又其軍官士卒被服裝具速自補充隊補充之

四、各部隊縱未奉有命令亦須搜索戰線近傍之死傷者又各部隊須

派出若干人員歸軍官指揮以令掃除戰場而於搜索死傷者之外更須收拾戰利品其武器則送於後方糧食則分配各隊利用或則遂於後方有戰死者則驗其衣間標記確認其所屬隊號及姓名或號數之後即埋葬之受傷者則送於裹傷所或野戰醫院有時於治那伯條約之規定外可許敗者之請求停戰以令收斂其死傷者或令携行之

捕虜業經審問之後分別軍官士兵護送於後方

五、各部隊長於戰鬪後即時將戰鬪要報呈出更將戰鬪詳報迅速呈出

指揮官及其輔佐軍官各部隊長於戰鬪前及戰鬪中既受非常之辛苦更須整理如許之要事故爲軍官者苟非有強壯之身體與精神且有

屈不撓之勇氣與忍耐力者決不能勝此重任也

第三章 局地戰

第一節 總論

凡戰鬪雖依地形而生難易然究不因此而變戰鬪一般之原則

方今之戰鬪利用土地甚廣故局地（高地、谷地、森林、住民地、隘路、山地等）不僅爲小部隊之戰鬪地即在本戰之大戰場亦常爲焦點也蓋局地者常爲防者之掩蔽每成攻者之障礙

步兵在局地戰時爲主要之兵種然欲行完全之攻擊準備不可無礮。兵之協力而破壞敵之掩蔽物及障礙物時尤然至當戰鬪之前後亦不可缺騎。兵之參與工。兵在防禦時應設置障礙物及掩蔽物或援助他兵種或自任之在攻擊之時或與他兵種共進或先行前進以除去敵之障礙

物或開設道路

第二節 高地戰

高地在攻擊或防禦之際可利用爲戰術上之據點及防禦線因展望廣大瞰制敵軍能使步兵礮兵射擊之有效尤易早爲察知敵之計畫及舉動又可以掩蔽防禦界線後之軍隊及其運動且可使敵人攻擊困難

第一款 防禦

防禦陣地之高地應備一般之要件如左

一、斜面平衍且其坡度適宜若急峻而欠整齊時則往往發生死角使敵之衝鋒兵得以隱蔽

二、高地之形狀須連綿廣闊有適度之幅員不爲隣地所瞰制且便於遮掩我軍隊

三、高地之後端須有適當之收容陣地且當退却時其斜面須便於遮蔽並容易通過

防禦配備務能以有效射擊掃射前地於斜面尤然故主要防禦線常設於防界線上若斜面上有凹地深谷等處所往往爲敵之隱蔽地域故宜於突出部及內凹部特別配備兵力使之互相側防至陣地前方重要地點欲防敵之接近須使各方面之射擊能集注於其處或向該處而爲疊層射擊之設備

礮兵常置於巔頂有時亦可置於鞍部無論其陣地選擇何處務使能射敵之進行路且對於斜面亦須能行側射

第二款 攻擊

高地攻擊之際我之意圖及運動最易爲敵發見且受敵瞰制物質精神

均頗不利而攀登斜面勞力尤多故實施攻擊之前務須完全計畫準備一切其高地之延長者常比平地之正面堅固如能向敵人退却線之側方施行攻擊較易奏效至實施攻擊時應極力先行準備射擊及攀登斜面後尤宜時時利用死角或掩蔽物以便恢復氣力整頓隊伍然後一舉衝鋒突入敵陣迅速佔領陣地後端以行追擊射擊切忌已入衝鋒之地其動作尤復躊躇

當衝鋒時務須有新銳部隊並須瞰工兵協同動作良以攻者突入敵陣以前不惟因敵彈之障礙地形之困難體力氣力難免衰耗且慮守者出擊尤不可不防也

第三節 谷地戰

谷地兩岸接近彼我步瞰兩兵得以互相射擊時則發生谷地戰若距離

較大不能互相射擊則爲高地戰

谷地兩岸如有高低之差則佔領高岸者能展望敵人掩蔽自己且能增大射擊效力

第一款 防禦

守者以佔領本岸之上緣爲原則其佔領谷地之脚或谷底之地物者惟由岸上不能施行射擊時始有之

凡佔領谷地緣端者可準高地防禦之要領務消滅其死角及不能射擊之扇形地且配備時須使火力得以集中一遇敵由對岸降下卽用猛烈射擊使受傷害然敵人攻擊之始或卽在對岸之高地亦不可不豫爲顧慮也惟敵兵降下谷底再登我岸斜面時實爲移轉攻勢之絕妙時機耳

第二款 攻擊

攻者多在敵火與敵眼之下不惟有不得不下本岸之害而谷地之中常多水流池澤泥濘等通過既難且須冒猛烈之射擊以攀登守者之斜面故谷地攻擊須於本岸以火力十分準備攻擊有效後並須受本岸之掩護射擊方能容易通過

凡大谷地恒不能以步兵由對岸交戰然谷底往往沿水流而有房屋森林等可爲攻守之掩蔽攻者如果佔領則此後前進諸多便利若防者一部先行佔領則攻者必力求擊退偷爲大部佔領則步兵戰大半即起於此斯時彼我之礮兵宜在高處協力戰鬪

第四節 森林戰

戰術上森林之價值視其大小疎密發生之利害如左

一、大森林 通常限制騎兵礮兵之動作且指揮不便又守者若僅佔

領林緣之一部攻者即可由未守備之側方進入故大森林常不適於堅固防禦僅於阻礙敵之前進時暫時佔據林緣可耳

二、小森林 守者佔領之成爲堅固之支撐點攻者利用之可爲攻擊之據點

三、疎散森林 於通視連絡及運動妨礙較少故軍隊之指揮亦易若密度愈增則指揮愈不便

森林內部之戰鬪攻者常志氣旺盛守者能詳知地理惟於通視及運動射擊等彼此皆覺困難若戰鬪彌久則隊伍尤易紊亂故指揮官當特別注意毋使部下脫離掌握各部隊尤須互相集結保持連繫

第一款 防禦

防禦陣地之森林應備要件如左

一、前方須射界開闊側方須展望自在並須便於運動且有可爲依托之障礙物

二、林緣須成折線狀若有大樹土壘溝濠等則尤有利而其幅員又須與防者之兵力適合

三、內部須有多數道路通於林緣且須無樹木妨礙道路外諸兵之通過如是則援隊與豫備隊易於招至戰線其他若有適於步兵戰鬥之地區（林空小流等）尤善

守者佔領森林之際須避易於識別之林緣常於其後方不礙火線之處爲宜在疎散之森林尤然如果森林濃密則設火線於前方而以森林蔭蔽後方部隊

防禦線須分數區因其運動困難指揮又復不便故各區尤宜狹小又該

地區預備隊須接近最前線能使不失時機加入戰鬪總預備隊在小森林多位置林外在大森林雖可位置於林內但須能迅速進入林緣故以在道路之交叉點爲宜礮兵在小森林以置於林外側方後爲佳在大森林則常置於凹角內以避敵之步兵火如欲進退便易尤須設陣地於道路附近

騎兵在小森林則位置林外以便搜索敵情警戒側翼有時亦可參與戰鬪在大森林則不免多所限制然若係容易通過之疎林則忽隱忽現亦於戰鬪甚爲有利

敵兵若侵入林緣時守者應乘其混亂施行逆襲以擊退之設或不能擊退而林緣轉爲敵兵所佔領若林內仍有障礙線（如土壘水流之類）守者應以預備隊佔領之以收容前方部隊再行抵抗否則須退至林外佔

領適當之地點如果戰鬪目的決不能拋去該森林時縱遇優勢敵兵必以豫備隊援助竭力繼續戰鬪斯時約束隊伍非高等指揮官所能爲力全賴各部隊長獨斷決行互取連繫協同動作尤須注意勿失退路

第二款 攻擊

攻擊大森林之敵時須從敵人未守備之地區進入其攻擊佔據小森林者務決戰於森林外之地區免起森林內困難之戰鬪若該森林爲全陣地之支撐點非奪取後不能使全陣地陷落則宜選擇攻擊點其要領與普通之戰鬪同

騎兵除搜索敵情外須掩護步兵之側面並須從遠方迂迴威脅外部敵兵有時則乘機施行襲擊

敵兵開始退却攻者須即尾追其後進入林緣與敵保持觸接同時達至

障礙線（詳前）或前端以遮斷敵之各部隊但通過森林時務須整齊隊伍保持連絡毋誤方位（或用羅針盤或視太陽或順道路小徑或沿水流谷地等前進）並時時準備接戰故各部隊務必集結而於其正面或側方配布少數之散兵或偵探此時若在淺森林可繼續衝鋒直達前端在小森林則沿側方林緣前進惟騎兵礮兵仍以取道林外前進爲善攻者達森林前端後其森林卽爲攻者佔領不可輕舉再行前進必先確實佔領敵方林緣同時集合我散亂之兵整頓隊伍以備敵之恢復攻擊

第五節 住民地戰

住民地有村落農舍街市之不同而戰術之關係皆略同於森林凡房屋之建築法及周圍牆壁之情狀尤繫攻守之利害

住民地之房屋如係磚石構造或有堅固圍牆則對敵礮彈可爲良好之

掩護其周緣亦常可爲戰鬪之主線

住民地內較森林內適於堅強之戰鬪而統御軍隊認定方位亦較容易但佔領房屋及庭園牆壁等彼我部隊皆易離散故侵入住民地時不可使用多數之軍隊且退却時動作困難常有被敵捕獲之虞

小住民地可爲戰術上重要之據點大住民地則指揮運動均屬困難由木造房屋所成之住民地若遇敵彈即罹火災故寧設火線於其前方而以此住民地爲蔭蔽後方部隊之用

萬不得已之際可分派軍隊使入房屋之內惟其時須設交通工作

第一款 村落戰

防禦 凡可爲防禦陣地之村落應備要件如左

一、前地與側地之地形須便於運動與通視

二、村緣須無甚凸出之建築物且其中道路不致受敵縱射而又多小突出部可使正面之側防容易若有土壘牆壁或堅牢之建築物更可藉此確實掩蔽

三、其正面須適合防者之兵力若幅員過大難於全行守備或守備不免薄弱時均易被敵攻入

四、有堅牢之建築物以禦敵彈有多數之道路容易進出

五、豫備隊須有適當之位置村緣後尙有堅固防禦之地區

六、其周圍有適於複郭之建築物（如開闢寺院等）

守者如欲僅得時間之餘暇則佔領圍牆及入口即可非因射擊效力關係萬不得已時不可分軍隊入於各房屋

守者欲盡力固守時應視圍壁及房屋之景況以定各部隊之守備區域

使之守備其設備之宜注意者縱令敵兵進入某區域亦不至波及他處爲要

劃分地區使各獨立防禦時應以狹小爲宜而重要入口宜在一地區之中央其守備兵以守備圍牆爲善援隊及地區豫備隊務須蔭蔽配置俾能迅速援助前線並能迅速援助入口若欲強固繼續戰鬪則以地區豫備隊一部充其地區內主要房屋之守備

村落之周圍固宜守備而阻絕內部之道路及佔領堅固房屋等事亦應設備尤須注意防止火災及村內之守備兵最初務必少派並分置於各處以備敵軍用優勢射擊開始戰鬪時得以減少損害若敵兵進入住民地內則須勇敢逆襲以擊退之

任村落之直接防禦者概爲步兵而礮兵及騎兵則多用之於村落外然

村落之入口或道路上間亦有用礮兵者

總豫備隊多位置於村落外以便施行逆襲或延長防禦線或擊進入村落內之敵兵若村緣已爲敵軍奪取尙欲在內部繼續戰鬪則豫先置守備兵於複郭此複郭之守備全係獨立動作卽令村落之他部已入敵手亦當依然固守以防其略取全部使我軍易行恢復攻擊

周圍堅固之村莊雖以難任野戰之新兵與精練之敵對抗尙能堅強抵禦若以訓練精熟軍紀嚴肅之步兵佔領此地卽遇優勢之敵全被包圍亦得維持

攻擊 凡住民地之攻擊點須選於無圍牆之處而其內部之房屋脆弱容易破壞燃燒且無適於爲支撐點及複郭之建築物者爲佳此外又須顧慮外部之軍隊能否由最初施行攻擊或能否威脅敵之側背嗣後前

進能否有便利之入口等

礮兵務向衝鋒點集中火力使之破壞或起火災工兵當以爆藥破壞圍壁協力同心使步兵攻擊易於進步

凡已進入村落之部隊務須尾追敵人直達村落之前端此時如有敵人仍佔領內部房屋者可留一部隊攻之而不必用我全力蓋以各處房屋逐次戰鬪爲守者之利益攻者往往因此徒費時間故也至敗兵勢窮力竭全然孤立尙有不願棄械來降則以大兵包圍並用若干礮兵破壞其房屋以屈服之

豫備隊可在村落外圍前進而其進入村落內之部隊務整頓隊伍且須確實守備已得村莊始可離此前進

第二款 農舍戰

農舍戰之要領略與村落戰同而其防禦力之厚薄則關於房屋之建築法若有堅牢之牆壁廣闊之溝渠並強固之門戶及窗格等不能踰越攀登者恒難以步兵獨立攻陷然既爲農舍雖極堅固亦不過爲牆壁圍繞之獨立房屋或小集團房屋等若經礮兵集中射擊卽失其防禦力農舍戰之防禦須使攻者不得不攻以分減其兵力而達我所希望之目的

第三款 街市戰

街市戰之要領亦與村落戰同如守者就街市之房屋施設工程遮斷道路則攻者或由道路側方逐次破壞室宇庭園以向遮斷之處前進或由街上直接向遮斷處突進均須利用礮兵於道路上備礮一二門以資援助然如此攻擊極費時間勞力且其損害亦甚大若能專用礮兵擊破街

市或竟縱火焚之以使守者失所依托尤屬便利

第六節 隘路戰

隘路通過之際各部隊不得不用狹小之正面故全隊通過費時甚多且其時易生紊亂如隘路愈長幅員愈狹則其困難愈甚不惟通過需時而展開亦多窒礙且兵力不得不逐次使用常有被敵各個擊破之患而掩護全隊通過之部隊尤有與優勢敵孤立戰鬥之危險

隘路之前後兩端不能以火力對戰時戰術中謂之長隘路否則謂之短隘路在長隘路往往以寡少之兵力阻止優勢之敵
隘路之攻守又因後方或前方或內部方法各有差異

第一款 隘路後之攻守

防禦 守者佔領隘路後方之利如左

一、攻者祇能由一道路前進故不能隨意選定攻擊點

二、守者以展開之正面對於攻者狹長之正面得行集中猛烈之射擊

三、攻者卽令通過隘路已將兵力展開亦不得不背向隘路施行戰鬥

隘路後布陣之方法因戰鬥之目的而異如有持久之目的則緊接隘路配備（亦名直接配備）如有決戰之目的則存若干餘地以配備之（亦名後退配備）

直接配備時守者佔領之陣地須能猛烈射擊隘路及其出口若更能射擊隘路前之遠地不惟可使敵人過早展開且可妨碍敵之準備運動但不可妄與隘路前面之優勢敵軍互相射擊致受損害於敵兵尤然此時該敵兵雖與最初現出之敵敵兵對戰敵若已佔優勢卽應暫時隱匿於掩蔽物之後方待至重要之時機再行現出蓋守者之重要時機在敵通

過隘路之時須乘其未出隘口之前以猛烈火力擊退之如能用機關槍尤爲有利

守者若自信其兵力可望決勝則其配備應存餘地得以乘敵半途轉爲攻勢（所謂後退配備）然稍有遲誤亦易失去陣地故目的僅在防止敵人而地形又適於直接配備時多不用此種處置

守者無論取何配備攻者皆不得不以狹小之正面通過隘路故守者宜節約第一線之兵力（若將隘路破壞或閉塞之尤易達其目的）留強大之豫備隊此豫備隊之任務如左

一、包圍通過隘路尙未展開之敵

二、增加前線或迎擊由守備之隘路外迂迴而來之敵兵
但須適時偵知敵之迂迴路徑報告指揮官并阻止其前進

攻擊 通過隘路前進攻擊甚爲困難故宜設法用陽攻或用迂迴以期
達其目的

凡直接通過隘路攻擊者宜乘暗夜或濃霧前進急襲否則務使優勢之
礮兵步兵行準備射擊以壓倒敵之礮火並擾亂其步兵乘機實施攻擊
惟準備攻擊時須詳密偵察敵狀地形及已破壞之通過點修理或新設
之然後猛烈果敢通過隘路其通過之部隊尤須先隱於隘路之近傍整
齊隊伍而後藉步礮兵之掩護射擊以收縮距離間隔之縱隊一舉突進
其最先到著隘路前方之部隊務速佔領寬廣堅固之陣地以堵禦敵之
逆襲掩護後續部隊之展開其最先突進之隊成功與否及其佔領之位
置能否確守實關係通過隘路各隊之全局至其他騎兵及礮兵等俟步
兵已確實佔領前方出口亦卽通過隘路前進

第二款 隘路前之攻守

防禦 守者佔領隘路前方之不利如左

一、守者後方祇一退路故運用軍隊難於自由

二、易被敵人包圍

三、退却之際須由展開隊形變爲正面狹小之隊形不得不多費時間

若敵人乘此機會向守者猛烈威迫往往有擊破之慮

四、退却時各部隊爭入隘路隊形混亂隘路爲之壅塞往往爲敵尾追

受莫大之損失

故隘路前之防禦祇於左列各時機用之

一、以一部隊掩護其主力進出隘路時（前衛等）

二、以一部隊掩護其主力退出隘路時（後衛等）

三就地形考察如佔領隘路前方特別有利時（例如隘路後方之防禦當受攻者之瞰制射擊若在隘路前方則爲戰術中有益之陣地且退却時不乏良好道路者卽是）

隘路前之配備或正對敵之進路或位置於側方而其兩翼務依托障礙物至其陣地應距隘路前方若干距離則按地形目的及彼我之兵力而定如在後衛則以使本隊不受敵之妨礙得以通過隘路爲度前衛則須爲本隊寬留餘地俾得適當展開凡掩護後續部隊之前進者除留展開餘地之外尤須不使敵人直接射擊隘路內而掩護主力退却者則無須酌存餘地若能由隘路後方射擊隘路前方之地區時須於此布置礮兵若干後衛尤然

行李輜重等物凡足以妨碍戰鬪者均宜置於隘路後方或先令其向後

退却並須嚴密注意將道路完全開通使軍隊運動毫無滯

退却時宜使被敵逼迫最急之處勇敢抵抗而由逼迫較緩之處逐次退却。有時尙須勇敢逆襲以爲退却之豫備且無論何時最後退却之部隊須設法使敵難於通過隘路以防敵之尾擊。

攻擊 攻者對於防者布置之軍隊須由一點猛烈擊破以壓迫於隘路中或擊破之於隘路外此時防者若爲前衛攻者可乘其本隊未到以前卽行決戰若爲後衛則以急欲追及敵之本隊尤須猛烈攻擊。

敵兵退却攻者須尾追其後通過隘路以達於前端使敵無攔阻或破壞之暇。

第三款 隘路內之攻守

此等戰鬪多發生於山間之隘路堤然於塘或貫通沼澤間之道路亦間

有之

防禦 隘路內之防禦其利與隘路後之防禦同而其害則等於隘路前之防禦茲將守者應取之處置舉之如左

一、務佔領展望自在射界廣闊能以廣正面對敵人之地點

二、長堤塘中如有橫堤或沼澤中有堅實之小島其正面廣闊者亦宜

佔領之

但守者之陣地無論選於何處須使攻者不能由隘路外射擊

攻擊 凡敵在隘路內防禦若僅由正面攻擊有逐次抵抗及爲所包圍之慮故攻者必須堅確忍耐利用隘路側方以發展其兵力若其隘路兩側難於跋涉時則設法迂迴使守者自撤陣地之外

第七節 山地戰

山地之戰視山地之形狀而異一係內部交通較爲便利山谷間皆有道路可通其兩側亦有展開地域者是爲大陸山地之狀態一係山谷險峻交通不便且道路之兩側全難展開者是爲島國山地之狀態交通便利之一種可集合主力戰鬪交通不便之一種宜由各地區獨立戰鬪

山地戰雖爲步兵之專任然交通聯絡尙須用電信電話視號等又須配置騎遞或步遞此外則山礮兵及機關槍亦極緊要

山地戰鬪統一指揮甚難不能望比隣部隊之協同動作然可秘密兵力及運動且能以寡敵衆故各級指揮官均須適宜獨斷專行

山地之戰無論攻守均應佔領瞰制敵人之位置尤宜利用礮兵及機關槍以掃射道路谷地及斜面苟能佔領最高處則易於觀察敵之動作且能挫折敵之志氣又山地戰多利用重層射擊

凡不急之行李可留置於後方至彈藥等有時可雇挑夫搬運隨行

第一款 防禦

山地防禦須將通至敵方諸道路堅固守備若交通便利時則配布各地區之兵力應從減少而以大部爲總豫備隊置於調遣便利之地以便乘敵分離迅速轉移攻勢若交通不便則總豫備隊可分置於數處又有最初即增大各地區之兵力使各獨立戰鬪者此種布置雖不免擴張戰線之弊然山地之戰以一部之勝敗牽動全局者甚少果能由各地區各行奮鬪其終局亦必全勝也

防者之意如僅在延長時間而不必轉移攻勢則須佔領敵軍不能展開優勢兵力之地確守緊要之鞍部而軍隊配備之法須能瞰射谷地及斜面尤宜側防死角礮兵及機關槍如能適當使用尤於山地防禦大有效

力所有兵力或須擴張戰線或須防止迂迴其留存之總豫備隊較之攻勢防禦爲數恆少交通不便時尤然

敵兵攻擊前進時防者應伺其分離兵力轉移攻勢如無此機會則以射擊擾亂之俟其大受損害或攀登斜面時卽乘其隊伍混亂兵力疲勞果敢逆襲使其殲滅

凡未受攻擊之地區或已擊退敵人之地區其守兵除留若干防守本陣地外所餘應向攻我比隣地區之敵人竭力進擊其側背

退却之前應先爲各種準備至退却時尙須利用後方地形彼此援助步步抵抗

第二款 攻擊

攻者宜詳察敵情與地形決定以主力前進或以突破敵軍之某方面或

由遠方迂迴威脅敵之背後，以使撤退其陣地而攻擊前進之法，皆係分數縱隊按自然劃定之地區分途前進，其兵力與編組應由當時情形決定。然大抵皆附以工兵，使任開通道路，除去障礙之責，並利用樵夫獵戶等作為嚮導。

各縱隊宜與比隣部隊協同動作，各極奮勇，以擊退前面之敵。然亦間有互由側面攻擊者，而攻擊之時務須利用道路或谷地稜線以包圍敵人。尤須利用死角接近敵陣，力奪其支撐點及緊要之鞍部。此時應以一部隊由山上射擊敵陣，庶使他隊容易前進。礮兵亦須不失時機加入戰鬪。又攀登斜面時，往往受敵人之逆襲。此際後方部隊以接近前線為要。凡自山頂驅逐敵人，能於瞬間使敵受莫大之損害，故此時須行猛烈之追擊。射擊礮兵及機關槍尤須力排萬難，迅速加入追擊。惟進出平地時

宜防守者轉移攻勢各縱隊須保持連繫不可輕進

第八節 河川戰

河川戰者兩軍隔河相對攻者欲謀渡河守者設法阻害而起之戰鬪也此種戰鬪於兩岸之地形障礙之程度（參照地形學）極有關係故攻者通過守者出擊均甚困難然守者固可設各種阻碍及破壞方法妨害其渡河動作以遷延時間而攻者動作之地域及時期可以自由選定或出守者之不意或乘防範所未周亦非無渡河之法也

第一款 防禦

河川防禦之要訣在乘敵半渡轉爲攻勢應於豫想各渡河點配置若干警戒部隊并將主力集結於適當之地點（即後退配備）無論敵由何方侵入均得應戰如沿河川配置兵力直接防禦（即直接配備）則非於地

形特別有利或兵力十分較優且有持久之目的不多用之

河川防禦須不爲敵陽動所誘而於敵之實行渡河又不可不迅速迎擊故宜派騎兵於前岸使之搜索敵情其他交通連絡亦宜完全設備又敵軍可以利用之橋梁須豫先破壞之或爲破壞之準備以便相機動作此外尚須偵察徒涉場預作各種工程使敵渡河困難

警戒渡河之部隊須察敵之動作是否實行渡河抑係陽動分別速報指揮官并設法阻止之該部隊之兵力雖視當時情形不能一定然於豫想敵人實行渡河點所用之兵力必強大並有時宜附加礮兵

目的如僅在防止敵人則視情況地形分置兵力於各渡河點使其各能妨害敵人渡河足矣

第二款 攻擊

敵前渡河極爲困難而欲期成功要不外出敵不意或以陽動牽制敵人乘機迅速渡河故凡關於渡河事件均須於無形中準備妥協并將架橋材料或舟筏等一律秘密整頓以便應機渡至彼岸

架橋點之選定 架橋點須按戰術所要求妥爲選定而技術之關係亦須顧慮茲將戰術中應備諸件列後

一、渡河後各軍隊可任意調遣攻擊之處

二、架橋及渡河時均有適當陣地可爲掩護且能由我岸援助該掩護

隊之處

三、渡河準備得以秘匿而且便易之處

四、在作戰路之近傍且兩岸交通毫無障礙之處

五、軍隊集合時有寬廣之地域且可以蔭蔽接近渡河點並得遮蔽敵

人槍礮子彈之處

六、架橋點附近有掩護隊渡河之地點且由此地點渡河時不致妨礙架橋工作之處

上述各要求均能完全甚不多見故必相度機宜酌爲決定其他技術關係事項另詳交通學

架橋掩護隊 架橋掩護隊係爲掩護架橋點及架橋動作而設故架橋開始之前即須利用軍隊携行材料或該地原有材料秘密先行渡河佔領彼岸之要點此時有須派遣軍隊一部即在本岸展開以制對岸之敵并以掩護渡河動作者

架橋掩護隊以步兵爲主有時並須屬以騎礮各兵亦有以礮兵在本岸射擊敵人之妨害渡河者該掩護隊或屬於軍隊指揮官或屬於渡河掩

護隊長均可

架橋掩護隊之陣地須審察時期與兵力適宜離開河岸按照隘路前防禦之要領行之

架橋 架橋掩護隊既占彼岸要點後架橋者應在其掩護下立即迅速工作此種工作大抵皆夜間爲之而於拂曉以前完畢爲要若能使本隊亦在拂曉以前渡河尤善

架橋動作務於事前豫備完結迅速竣功此時指揮官尙可加派步兵部隊以舟筏或徒涉渡過彼岸增加掩護隊使能確實佔領彼岸

渡河掩護隊 架橋之前如置渡河掩護隊則無須另派架橋掩護隊即以渡河掩護隊之一部任架橋掩護之責惟該掩護隊須先以必需之兵力渡過彼岸並設法以所餘之兵接續渡過以便架橋及本隊渡河各動

作得其掩護安全無碍

渡河掩護隊之編組與架橋掩護隊略同但常例多屬以騎礮兵

渡河掩護隊之陣地須於後方留適當之地域使本隊渡河後行動自如
尤須利用地形以便本隊渡河時遇有敵人來擊尙可確實抵禦

本隊之渡河 本隊須在架橋中集合於架橋點附近俟其架橋完畢即
迅速通過其渡河次序并須預爲區劃以免臨時紊亂

凡在渡河掩護隊之掩護下渡河者多即逐次加入渡河掩護隊之戰鬥
軍隊不由橋梁通過者皆爲補助渡河法亦可準照本文要領行之但補
助渡河較前者尤爲艱險

凡欲以陽動欺敵須使敵之注意及設備均移於本渡河點以外而後架
橋及渡河始可安全且陽動之位置務與本渡河點遠隔乃可使敵人一

經移動即失應我之機而陽動開始之時期又須在主力渡河之前或與之同時

第四章 支戰

第一節 總說

支戰者以小部隊與本戰同時施行之特別動作即彼我兩軍爲使其本戰有利或以蒐集情報或以交通給養及各種輸送補充之關係或以妨害敵人與我相同之各動作而發生之小戰也（例如我軍在敵國作戰後方連絡甚爲重要不得不置守備以資掩護或欲使敵軍困敵以一部隊威脅敵之後方連絡時）茲將小戰特別有利之時機列左

一、遇地形難以運動大軍而便於不意之襲擊時

二、在本國地方有人民援助易得敵之情報又無被敵發見及擊破之

虞並熟知潛伏地點時

三、因天候關係不能大戰時

支戰運動務迅速敏捷活出敵不意並須以詭謀奇計欺敵故任此動作之隊長無論任務若何應先向所屬長官請領訓令并詳知其目的然後以本人之獨斷行之該隊長之司令部下除緊要敵情及我之目的外不可洩及其他機密而對於所屬之次級官仍須將計畫各項特別示知至於任支戰之部隊用臨時編組之支隊或遊擊隊(含挺進隊在內)均無不可

第二節 奇襲

奇襲云者無論敵之行進或停止凡乘其不意攻其不備皆是也奇襲約分兩種一日襲擊一日伏兵

奇襲時之戰鬪應持續至於如何地步皆視最初之結果及彼我之兵力而定若奇襲不能奏效即停止戰鬪迅速退却故豫先務選定集合點

第一款 襲擊

襲擊者進而急襲敵人之謂也欲行襲擊須先詳知敵人動靜乘其警戒及準備易於怠忽之時機（如暴風烈雨暗夜濃霧）或敵兵疲勞困乏等時行之若欲拂曉施行襲擊則務於暗夜秘密前進

襲擊處置最宜簡單如欲分割軍隊同時由數方向進逼則宜俟至攻擊目標之近傍行之以期協同動作而免渙散之弊且前進之際尤宜秘密迅速靜肅途中遇敵之前哨及偵探務必繞避或捕獲以求早達所期望之目標

襲擊隊伍若未達所期地點先被敵人發現自知不免與敵衝突時即迅

速勇猛斷行急襲使敵無暇集合兵力並難準備抵抗因以發生擾亂較之遲疑不決者尙爲善策

夜間襲擊常不免有夜戰諸弊害宜先注意豫防又夜間騎兵無甚効力礮兵尤難使用亦不可不知

晝間在開闊地襲擊騎兵最善其他時期則多用步兵或步騎兼用至於礮兵最易警醒敵人使之準備恒不輕用但他兵種襲擊之時如須以射擊擾亂敵營或須掩護我退却時不在此限惟射擊開始仍不得過早捕殺敵之指揮官及將行警報之號手尤爲襲擊時之要旨

第二款 伏兵

伏兵者以一部隊潛伏於一地伺敵前來施行奇襲之謂也其法有誘擊待擊二種誘擊爲特派一部隊與敵交戰將敵誘至伏兵所在之地待擊

則判定敵之行進路預擇適當之地隱匿潛伏以待敵之接近而擊之是也

之敵搜索警戒若欠嚴密伏兵尤易奏效故伏兵常用於敵人乘勝暴進追擊我軍之際

設伏兵種視地形而異蔭蔽斷絕地宜用步兵開闊地宜用騎兵亦有時二者兼用其法先使步兵出敵不意猛烈射擊乘其擾亂再用騎兵襲之伏兵不可先期爲敵發現至一經現出務使敵人無暇救援故其位置宜在敵人行進路之側方或在步槍有效射擊界內或在便於騎兵襲擊之地點

伏兵施行奇襲其法不一或合全力行之或劃爲數部向敵之隊頭隊尾及其側面分別行之

伏兵宜謹慎肅靜且常準備戰鬪如多派哨兵或偵探反易使敵發現故此時僅可隱匿敵眼置一二哨兵以任監視而由指揮官親察敵之動靜相機下令急襲然遇敵之警戒部隊仍須聽其通過待彼本隊到時始行現出

誘擊時任引誘之部隊見我伏兵現出即須轉爲攻勢

第三節 後方連絡線之掩護及破壞

第一款 掩護

大軍背後之道路鐵路電線等係供後方連絡之用以由兵站司令部任掩護之責故以步兵騎兵編成兵站守備隊如有敵之遊擊隊乘機出沒或該處人民有不靖之虞則派騎兵偵探時刻搜索並於各村莊劃定區域令村民任其保護且立嚴重之懲罰條規使其不能卸責又緊要火車如

在危險地方運行可擇該地之有聲望者令其同乘爲質

兵站守備隊應於易被破壞諸處（橋梁隧道隄防等）配置哨兵以任警戒其警戒法略與前哨無異但須派偵探周密巡行各哨所及其周圍之地此項偵探除巡視連絡線外尤宜搜索側方遠處一遇敵人接近卽迅速報告所有各重要哨所尤須利用間諜安設電信或預備記號及其他通信法俾能速得情報爲貴

當甚危險之際應在大火車站或緊要建築處所置特別守備兵此守備兵有時尙須預設防禦工程團結兵力以備敵之奇襲

第二款 破壞

凡欲斷敵之背後連絡線者應破壞其鐵路電線及道路等茲分舉如左

一 鐵路 破壞鐵路之程度必須顧慮我軍將來之用途凡修繕須費

一星期以上者非奉大本營軍司令官或獨立作戰師長之命令不得妄行破壞工作多用鐵道隊或工兵其破壞處所以橋梁隧道等諸要點爲宜但此等要點往往有敵兵守備掩護務須先行擊退鐵路之小破壞卽下級指揮官亦可獨斷行之但實施之當否應由該指揮官擔負責任而執行破壞之部隊亦必由該指揮官確實命令此種破壞凡在我軍作戰區域內前進時決不可行駐軍則體察情形酌定退軍則施行爲宜若在敵之作戰區域內無論我軍進退行止務卽設法行之

騎兵應帶少量之爆藥及器具以備破壞地面之建築物工兵及鐵道隊應帶多量之爆藥及器具以備根底破壞之用其他兵種因無器具爆藥等僅能除去鐵軌簡單截斷而已惟除去鐵軌時應派兵

監視其地點以防敵之修理

二電線 電線之簡易破壞退却時爲後衛司令官之責任若在前進或駐軍時惟敵兵與敵之人民有互相通信之慮者始得由獨立部隊之指揮官命令破壞之然其根底之破壞仍須有獨立作戰師長以上高等司令官之命令至地下綫或水底綫之簡易破壞法可將其電信裝置之重要器具收沒或損傷卽一時不致爲敵所利用

地下綫常在道路一側掘地約深一密達處概以木石標之若不知其位置可詢之地方官吏水底綫雖沈設於海洋或大河然常以木標或浮標標明其起陸點亦可發見其所在之處

三道路 破壞道路須破壞其要點（如橋梁隧道等）如在隘路山腹道等設鹿砦或斷絕部亦可暫時碍敵之行進

凡軍隊於鐵道電線道路施行破壞或截斷時應將其地點時刻方法詳細記明迅速報告其直屬長官若破壞我軍所用之鐵路電線時並須將其地點時刻方法及實施法等通報於近傍之火車站及電報局在敵地行各種破壞可使居民協力但有時不得不用恐嚇手段

破壞隊須急速行進接近應行破壞之地點或以襲擊占領其地點然後開始工作此時之掩護隊應向危險方面派遣偵探令其搜索又有時使於遠隔之地施行簡易之破壞

破壞隊之工作完畢後應即從速撤去並須取與進路相異之道退歸原處

第四節 野戰工作之掩護

凡築壘架橋等時如有被敵妨害之虞則派掩護隊此隊若與敵交戰務

使其影響不致直接波及於工作又勿使敵兵迂迴我掩護隊以妨害我之工作顧慮此二者則掩護隊之陣地與工作地點必存適當之距離至應否預行防禦配備抑或占領準備陣地則按敵之遠近與地形而定

第五節 運送物之護送及略奪

第一款 護送

凡在不安全之地方運送物品須派遣護送隊其兵力及編組雖按運送物之多寡種類（彈藥、糧食、被服、戰利品、俘虜、傷者等）及危險之大小而定然其兵數務須節約且以兼用步騎兵爲宜

運送物之護送乃至難之任務何則護送隊之兵力較諸運送物之縱長常小於搬運手通常難於維持軍紀且在通過隘路之時如有數匹輓馱馬等稍生故障即忽澁滯行進甚至有不得不停止者且當危難之際欲

速前進或速退却雖下至嚴之命令其運動亦不得疾速因而釀成至大之混雜

護送隊長關於軍紀上及戰術上常不可不行適當之處置

軍紀上之處置則以運送物分爲數起（車輛約以八輛馬匹約以十二頭）其監視之法則於每數起派軍士或上等兵一名而於每羣各派兵卒一名務使各車馬密接繼續嚴守其列序有時尙須集合數起編成一部以軍官或軍士監視之若車輛破損即令出列速加修理再續行於列後其不堪修理之車輛不堪運搬之馬匹則將其積載物分載於他車馬或轉載於豫備馱馬其不能攜帶者應破棄之勿使落於敵手夜間宿營之際車輛則作車廠各按部屬集合於一處仍留適當之距離間隔並列於前後左右其馱馬則以馱載時不至混雜爲度適當配置而輸卒及馬

匹則在其近傍宿營護送隊則應保護車廠內外之安全並警戒火險及出入人員等事

戰術上之處置應將護送隊分爲直接護送隊及警戒隊二種而直接護送隊配置護兵於運送物之前後（在長大之縱列其中間亦應配置）對於接近運送物者因須便於射擊故用步兵爲良警戒隊應按行軍時前衛後衛側衛之要領警戒恐受敵襲之方向且必遠行搜索爲要該隊長據此搜索之報告適時以避敵襲若難預避之時則由警戒隊拒止敵兵有時對此取行攻勢而運送物乘此機會可藉直接掩護隊之掩護脫出危險之地此時秩序容易潰亂故不得不嚴加維持待運送物距敵已遠無落敵手之虞則警戒隊可脫離戰鬪追隨輸送物準後衛之動作而行偷運送物由各方向驟受敵襲知己難逃之時車輛則以最後之防禦手

段作成車陣將其車輛密接轅桿轉向內方解脫轆馬使輸卒於車陣守禦之此法雖多費時間然對於騎兵之襲擊收効甚大馭馬則唯有選適當地形以資遮蔽之一法故其防禦較之車輛尤覺困難

運送物若將爲敵所略奪則須破棄或焚燒之務使敵難利用

在暫時休息之時護送隊則保持行軍警戒若在長時休息或在夜間則對於危險之方向用前哨警戒法向各方派遣偵探使於近傍村落及恐敵兵潛伏之地嚴密搜索

水路運送之時警戒隊則按前述之要領或陸行或航行然須以直接護送隊之一部分乘於各運送船其主力則乘載別船或則陸行但在陸行時須備空船數艘以便應乎機宜而供陸行兵由此岸移於彼岸之用凡橋梁閘門等處敵之可扼我航路者更當注意不使阻我運送船之通

過如有高地近沿河岸護送隊之大部可於其上行進以資瞭望
護送俘虜除準前述之要領外其猶應顧慮者即俘虜乘機逃逸是也故
護送者必須嚴密謹慎

監視欲求確實應將俘虜每約二十名爲一部隊而於各部隊派軍士兵
卒若干名以直接護送隊在其先頭與後尾行進

護送隊宜在俘虜面前裝子彈並示以如有逃遁立行槍斃若有不遵命
令者勿事猶預應以至嚴之法壓制之

宿營時務避露營須將俘虜錮鎖於一室或數室內（寺院學校等）且備
哨兵以警戒其周圍若遇敵襲尤須注意使其不得內應此時須切斷其
袴之鈕釦及帶或使伏臥地上若敢不遵命令即行槍斃

第二款 畧奪

畧奪敵之運送物必須迅速偵知其運送之時期方向待其運送隊行至困難地方利用時機秘密接近以圖達我目的故在運送物通過森林隘路道路之屈曲部或高坡時或當大休息其馬匹一部已送至飲馬場時則乘此等時機襲擊之爲宜其攻擊法常用奇襲務使敵狼狽混雜棄物遁逃

凡襲擊運送物常以一部擊亂其護送隊以他部卽畧奪其運送物其略奪之法應逼迫縱列之先頭與後尾速奪二三車輛橫塞道路或槍斃馬匹阻碍車輛之進退若運送縱列過於長大則同時由數處襲擊之並設法分散其護送隊如畧奪之物件中如有不能運搬者卽行燒棄或另設法處置

敵之護送隊如兵力優勢且準備應我攻擊時則以擾亂敵人爲已足此

時須在各方面隱顯出沒俾其奔走困憊（宜用騎兵）

襲擊水路之運送物應占河岸高處或彎曲部先驅逐其護送隊

襲擊火車之運送物則由礮兵用榴彈射擊其機關車或車輛先停止其進行此爲最簡便之法若無礮兵則將鐵軌毀壞解弛或除去之或置重物體（鐵軌大石等）於鐵軌之上若欲破壞鐵路以顛覆火車決不可行之過早蓋敵偵知卽不能達此目的也

第六節 徵發隊

徵發隊之兵力雖由用途之多少及危險之大小而定然通常則用小部隊以軍官指揮之且派軍需官同行當實施時攜帶所要之車輛馬匹等沿途警戒續行至徵發地則配置哨兵於其周圍及其出入諸口以防人民逃遁及遷徙物品於他處

徵發隊分爲徵發掩護隊與徵發實施隊

徵發掩護隊應在恐有敵襲之方面擇地理位置派遣偵探不絕搜索該偵探不宜過遠以免惹起敵之注意惟當敵兵來襲務須持久抵抗不使敵火直接波及於徵發地以便迅速完畢搭載車馬而有退却之餘暇

徵發實施隊既得上述之掩襲卽在市鎮村落內迅速徵發而其施行之法或藉地方官之力或由軍隊自任均隨時酌定

徵發隊長應命地方官於其限期之內將徵發物件送至某處若未攜帶運搬器具亦可令其供給如該地官吏不在或在而堅執不肯時可捕該處有勢力之紳董勒令照辦凡徵發非迫於萬不得已總以命地方官徵發爲宜蓋軍隊自行徵發恐致紊亂軍紀

地方官及住民若拒絕甚堅或托故猶豫或人民由該地漸次遁逃則由

軍隊可自行徵發而其施行則以在市鎮村落內之各部分按戶搜索調查其物品之有無或押收車輛馬匹用以運載其他各兵因欲壓制人民之抵抗可集合於徵發地中適當之地

凡徵發宜設精密之規則并須嚴重監視以防各兵誤解徵發爲掠奪至徵發物品仍當給以規定之憑票又徵發隊之兵卒不可散布於各處該指揮官應將主力集結親自監視逐漸徵集若欲徵發數村之時則先由近敵之村徵起逐次以及我方此爲通常之次序

徵發之物品及搭載之車馬等向由軍官或軍士監視之而集合於與敵反對方向之出口集合之後卽爲行進之準備俟徵發完畢卽時開始行進以掩護隊爲後衛其他各兵則任直接護衛

如在危險地方行徵發須先準備不利之處置及退却時之集合

第七節 遊擊隊

遊擊隊之目的在遮斷敵軍之交通連絡或損傷略奪其軍資或收集敵情等故其動作多在敵之背後或其側面但該隊若非在本國之內得人民之援助則欲久在一地徘徊出沒難期成功

遊擊隊以出沒自在運動輕捷爲要故用大兵團不若用小兵團爲有利而其編組則應乎地形或用步兵或用騎兵或則二者兼用至於礮兵若非大遊擊隊無須附屬卽附屬亦不過數尊而其所用之兵以能忍困苦艱難敏捷勇敢好事戰鬥爲要該隊長須通曉軍事富於詭計且宜有剛膽敢爲之精神

遊擊隊之携帶品唯限於必用之彈藥及糧食務使輕裝爲善至於一切動作唯就一般大綱受取訓令其餘細事全由隊長獨斷活用故依土民

間諜等之情報偵知敵軍之勤作臨時決定應施之計策以及地點時期實施之際多用奇襲出敵不意有時尙須隨機散布謠言或使其誤認我目的地及行進方向或陽退去而陰前進或擇安全地方潛伏休息一經出發即驟用強行軍進襲或夜行奔往他處凡在偏僻地則忍耐飢渴及至富地則飽足飲食逢強敵則避遇弱敵則襲隱顯出沒使敵莫得其端倪若遇敵襲不得不防禦戰鬪時唯於達我目的必要之時間中可與之抵抗過此以往則逃脫敵眼或全行解散隊伍另行集合於預定之地點遊擊隊無論行軍駐軍皆宜避大道及繁盛之地專尋遠離大道之森林小村等其宿營之法或爲露營或爲警急舍營均可隨時酌定惟欲省兵力之疲勞與避敵之發覺務須縮小警戒區域而嚴戰備以補其缺

第十八篇 偵察

第一章 總論

第一節 偵察之區分及目的

偵察者關於軍事上考查地形之利害得失及敵軍狀態之謂也其結果於指揮官之計畫決心及軍隊之動作皆有重要之關係

地形偵察分爲一般偵察及特別偵察

一。一般偵察之目的在乎廣歷內外地域切實考查其程度之如何或因年月經久探知其所生變化之如何以爲豫定作戰計畫之資料而此偵察通常在平時由參謀官任之該參謀官必須通曉地理學、測量學、統計學及其他之沿革歷史

特別偵察之目的在因彼我狀況之關係對於此後直接之處置上查定。

地形之是否適宜於該處置者也。而其實施應適合其目的及偵察事項之輕重任以相當兵科之軍官任之並同時尚須搜索敵情當此之時其任務甚爲困難其結果亦有重大之關係故所任之軍官除通曉戰術學外而於地形學、築城學及兵器學尙不可不深知其利用之方法。

第二節 偵察者之動作

偵察之先須知一般之狀況且熟讀地圖研究地形以定偵察之計畫須注意預定時間之內完全達其目的故不關緊要之部分則節約偵察特別緊要之部分則詳細偵察俾無遺漏爲要。

偵察之時應以所携地圖與現地比較對照並由各方面觀察地形例如偵察戰鬪陣地均可臨時酌定須置身於敵之位置以考察其地點之利害至緊要事項則就其現地實查或就土民詰問情況。

偵察之後其應行報告事項或爲筆記或畫略圖俟其完畢即可急速歸隊此等圖書倘不幸爲敵所迫特被擒獲時必須設法消滅決不可落於敵手

第三節 報告

偵察報告應按當時之狀況或用口傳或以筆記並加以略圖或詳圖若單以略圖報告之時應將其要目簡明記於圖上

報告之法須自緊要事項逐次明確記載而通常則按其目的可詳記偵察之結果

關於戰術上之意見例如占領陣地等之方法以附記爲通例凡礮兵陣地構築堡壘適當之位置陣地之弱點及架橋適當之地點等尤應詳細記載之

其他關於報告之要件可照一般之要領而以確實爲最緊要決不可由已知之事項妄行推斷未知之事項例如偵知道路、森林之一部而以推測其全體則往往誤其真象宜特別注意

第二章 敵狀偵察

交戰中之敵狀偵察殊爲要緊而亦甚困難當彼我接近交戰雖得略知一般之狀態至其詳細決不可得卽如敵線之配備工事之景況等指揮官每因不明難以處置或致錯誤者亦不少故軍隊無論遇如何困難亦當盡各種手段極力偵察如此則一時雖不免多少之犧牲然較之因敵狀不明誤其判斷至結局而受大損害者爲利多矣

在交戰中敵狀偵察之方法

一、派遣偵探

二、在戰線上各級指揮官之視察

派遣偵探。由派遣偵探偵察敵狀殊屬困難蓋彼我互相接近則不能避敵眼然在戰線之部隊應以堅忍不拔之情神屢屢派遣縱令蒙多大損傷亦必決行以達其目的除偵察敵狀外其戰場地形亦須十分視察以便我部隊之攻擊前進

在戰線上各級指揮官之視察。戰線之各級指揮官在指揮軍隊之間常宜留意敵狀嚴行監視雖微小現象些細徵候決不可輕忽看過以便判斷敵狀此外則據各方面之情報及敵軍射彈之方向等更參酌自己之所目睹者速以確切之報告呈於上級指揮官是爲各級指揮官極重要之責任

他如利用氣球飛機類則於視察甚爲有利

第三章 陣地偵察

陣地偵察之要件。依選用之目的而異其趣。本章不過單就防禦及攻擊陣地。示以偵察之標準。故偵察者宜應其目的及狀況而判別其要否。以定取舍。

第一節 防禦陣地之偵察

偵察防禦陣地時應注意者如左

一、前地 射界開闊否、向敵方有緩傾斜否、有展望及瞰制之利否、敵兵便於接近否、我軍出擊容易否、有適於敵瞰兵陣地否、

二、正面 幅員適應守兵之數否、瞰兵陣地之適否、據點之有無、各部之交通及側防之便否、

三、側面 能依托河川、沼澤、崖壁等否、抑或漠然平坦無垠否、對於側

地射擊之効力如何、蔭蔽及開闊之程度如何、

四、內部交通及運動便利否、且能適當蔭蔽否、無障碍物斷絕否、援隊預備隊有適當之位置否、

五、後地敵兵迂迴之難易、及我軍退却之便否、收容陣地之有無、

第二節 攻擊陣地之偵察

偵察攻擊陣地應注意者如左

一、前地連繫陣地正面及側面所通之道路是否便於通過、射擊之有無効力、遮蔽及掩護之難易、

二、側地側面攻擊、包圍或迂迴之便否、

三、正面防禦線之長度、及其兵力如何、

四、彼我之瞰兵陣地如何、

五、我軍退却之便否、

第三節 陣地判斷

陣地判斷必先考其利害得失審察敵軍應取之方策而決定我最後對乎敵軍之處置

陣地之利害得失概就偵察部之所示者分別前地正面等各項逐次判斷爲宜然欲合乎理想具備各項要件之地形甚爲稀少宜依目的與狀況而判斷其取捨總之無論在何陣地須於關係最重大之彼我礮兵陣地、攻擊點及轉移攻勢方向特別顧慮其他次之

第四章 道路偵察

偵察道路隨所用之目的而應注意之要件不同故偵察者須按左列之條件中應乎當時之戰況及目的以定取捨

- 一、幅員 步兵騎兵能成幾列行進、礮車及其他諸車能否通過、
- 二、狀況 路質、構造法及傾斜有關係於行進速度否、雨時之景況如何、修理所需之時間、人員、材料并其所在地及搬運法如何、
- 三、平行路及歧分路 方向、及到着地如何、又歧分點、間隔若干、
- 四、側地 行進及展開之便否、彼我應據之陣地、如何其他蔭蔽、開闢、綿亘、斷絕及高低等、與戰術有何關係、
- 五、隘路部 其種類、長短、幅員、如何如係橋梁則審其抗力、其通於水田沼澤者則察其路質、於渡船場須查其渡船之多寡與積載力、且其近傍有船隻、船夫及架橋材料、其他通過隘路左右之難易、并當工作時所需之人員、時間、材料等、
- 六、沿途之住民地 主要住民地之宿營力、及戰術上利用之價值等、

第五章 河川偵察

偵察河川視我軍之目的或係通過或係防禦而應注意之要點不同故應乎目的就左列事項中之緊要者偵察之可也

- 一、徒涉場之有無、深淺、廣狹、（各兵種以若何正面可以通過）
- 二、防禦可以利用否、（本岸掩護之程度、傾斜彎曲之關係、備有陣地之要件否等）

三、河幅、河深、河底之土質、水流之速力、漲水之變化、

四、架橋點之有無及其良否、并材料整頓場之適否、

五、支流、島嶼、沙灘之有無及其形狀、

六、至渡河點道路之有無及其良否、

七、前岸地形、渡河之掩護兵有無適當之陣地、敵所應取陣地之形狀、

第六章 宿營地偵察

本章於宿營種類內僅示舍營地偵察之要項，故其他宿營地之偵察準此以定取捨。

一、廣狹及形狀 或爲延長、或成圓形、房屋或稠密或疎散，此外可容人馬之員數、及各部隊分配之便否、

二、礮廠及材料場 位置、廣狹、繫馬場等、及進退之便否、

三、交通 至舍營地之道路及其廣狹、舍營地內之道路、房屋間能否通過、道路之開設、修理及所需之人員、時間、及材料等、

四、集合地 位置及廣狹、通行道路之有無及良否、當新設道路時其所要之人員及時間如何、

五、衛生 風土病及傳染病之有無、


六、水泉 飲水、雜用水之景況、飲馬場之便否、

七、物質 糧秣、蔬菜及薪炭、麥草等之多寡、

八、警戒 外衛兵及內衛兵之位置、與前哨之關係等、

中華民國三年八月出版
中華民國十二年九月四版

戰術學 三冊
定價大洋一元一角



編輯者 饒景星

校正者 武學書局編輯部

印刷者 武學印刷局

發行者 武學書局

北京前門外廊房頭條
電話南局一七四二號

49

100

